

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

佛日普獎慧辯楚石禪師語錄卷第六

住嘉興路報恩光孝禪寺語錄

叅學比丘景猷等編

師於至正十七年八月初一日入寺

山門無門之門不入而入雲坐四野水滿雙湖若要

天下橫行親到一回始得

佛殿還識佛麼面如滿月目如蓮天上人明感恭敬

祖堂一花五葉起必有因且道從什麼處起岸上躡


踏躡水中嘴對嘴

據室潤一丈高十尺是你諸人爲什麼人作不得鐵

C40-4514

C40
4514
(168)

B 64853



支那

卷六

壁鐵壁

拈行宣政院疏燮理陰陽旁通造化炎燭佛日普扇
眞風還他大力量人成此大力量事召衆云高著眼
拈諸山疏江南北浙西東同中有異異中右同野色
更無山隔斷天允直與水相通會麼若也不會看取
下面註脚

指灑座諸灑以空爲座空尚不有說什麼諸灑便恁
麼散去豈不丈夫更待如何若何且聽喚五作六遂
陞座拈香祝聖畢師云言迹之興異途之所由生直
截根源的出衆相見僧問天得一以清地得一以寧

聖人得一以治天下如何是天得一以清師云有星
皆拱北進云如何是地得一以寧師云無水不朝東
進云如何是聖人得一以治天下師云一人有慶兆
民賴之進云衲僧得一又作麼生師云斬草蛇頭落
進云今日和尚開堂演灑文武臨筵一切人天悉皆
圍繞未審一耶一切耶師云普進云一寸筆頭三尺
劍盡是安邦定國人師云更不切切僧禮拜師乃云
孤迥迥峭巍巍聖賢网搭活滾滾明落落周而無餘
有世界以光明爲佛事有世界以莊嚴爲佛事有世
界以香飯爲佛事有世界以音聲爲佛事有世界以

寂默爲佛事且道報恩這裏以何爲佛事以不可思議爲佛事所謂諸佛出現不可思議衆生業果不可思議世界成壞不可思議此不可思議亦不可思議是故一爲無量無量爲一大中現小小中現大於一毫端現寶王刹坐微塵裏轉大濃輪畢竟承誰恩力喝一喝復舉南堂靜和尚云君王了了將帥惺惺一回得勝六國平寧師云雖然如是堯舜之君猶有化在大勛不豎賞一句作麼生秋風吹渭水落葉滿長安

當晚小叅舉臨濟大師道有時一喝如金剛王寶劍

有時一喝如踞地獅子有時一喝如撲竿影草有時一喝不作一喝用師便喝云且道這一喝落在什麼處爲復是金剛王寶劍爲復是踞地師子爲復是撲竿影草爲復是一喝不作一喝用試辨看若辨不出報恩與你註破金剛王劍目前可驗擬議不來墮坑落塹踞地獅子直下便是打破髑髏拈却牙齒撲竿影草好也不好左手扶起右手推倒有時一喝不作一喝用大小臨濟只管說夢便與麼會猶欠一喝在喝一喝

中秋上堂天地未分時高低覆載何在日月不到處

宛明燄燭無偏真箇是描不成畫不就昨夜三更白
如畫

上堂拈拄杖召大衆云還識拄杖麼回天轉地更是
阿誰打雨敲風不借他力若也識得便能不起滅盡
定而現諸威儀不歷僧祇劫而成一切智不斷煩惱
而證涅槃聲聞人斷煩惱菩薩了煩惱體空嗔時無
嗔相喜時無喜相嗔喜不相關本來無體相擲拄杖
下座

上堂通身是眼爲什麼覷不見通身是耳爲什麼聽
不聞通身是口爲什麼說不到通身是心爲什麼鑒
不出報恩有一道聰明神呪布施諸人去也便下座
上堂舉教中道耶輸提比丘觀視於地而心得解脫
婆伽梨比丘觀視於刀而心得解脫豎拂子云報恩
豎起拂子諸人得解脫麼若道我得解脫未舉拂子
時誰縛你

冬至小叅僧問去年冬至時滿目是旌旗今年冬至
到由斯免亂離畢竟這裏無兵甲師云恰好進云千
兵易得一將難求如何是難求之將師云低聲低聲
進云忽遇軍期急速時如何師云自有彈壓在進云
與麼則從前汗馬無人識只要重論蓋代功也師云

撰述
卷之六
四
落在什麼處進云紫羅袋裏盛官誥金榜題名天下
傳師云且緩緩乃云成就一切不由他破壞一切無
別灑天上人間得自在十方世界橫該抹便與麼會
喚作依通已眼未開無自由分直須識渠面目歎盡
偷心絕後再蘇方堪進步無量世間灑無量出世間
灑無量神通妙用無量殊勝莊嚴一一現前一一解
脫一一明妙一一天真所以道真性心地藏無頭亦
無尾應緣而化物方便呼爲智向上還有事也無有
今日十五明日十六復舉鹽官道虛空爲鼓須彌爲
槌甚麼人打得南泉道王老師不打這破鼓灑眼道

王老師不打自然是箇破鼓師云且道什麼處是他
破處驢年夢見麼

上堂舉承天嵩和尚示衆第一單鎗甲馬第二甲馬
單鎗第三撒星排陣第四衣錦還鄉有僧便問如何
是單鎗甲馬嵩云不是金牙作爭能射尉遲僧云如
何是甲馬單鎗嵩云金鏃馬前落樓煩喪膽魂僧云
如何是撒星排陣嵩云陣雲橫海上未辨聖明君僧
云如何是衣錦還鄉嵩云四海無消息回奉聖明君
師云承天幸是太平時節何得干戈相待報恩今日
也不用單鎗甲馬也不用甲馬單鎗也不用撒星排

陣也不用衣錦還鄉寒來向火契則乘涼撒手到家
人不識了無一物獻尊堂

佛成道上堂如來明星現時成道你道半夜裡磕睡
的還見明星麼

上堂南泉道我十八上解作活計趙州道我十八上
解破家散宅諸人向什麼處見二大老若向作活計
處見南泉又不見趙州若向破家散宅處見趙州又
不見南泉不如和會一家免致遮相矛盾却教作活
計的破家散宅淨俵俵赤洒洒沒可把好快活破家
散宅的作活計七珍八寶一齊拏更無欠少也好快

活然後報恩坐地看揚州總爲戰爭收拾得却因歌
舞破除休

除夜小叅是日已過命亦隨滅如少水魚斯有何樂
陸居者以陸居爲樂水居者以水居爲樂麀居者以
麀居爲樂郊居者以郊居爲樂乃至蜎飛蠕動一切
舍靈運用去來莫不有樂釋尊與麼道意在於何可
來白雲裡教你紫芝歌復舉興化和尚道我聞長廊
也喝後架也喝諸子莫盲喝亂喝直饒喝得興化向
半天裏住却撲下來一點氣也無欸欸地蘇醒起來
向你道未在何故我未曾向紫羅帳裏撒真珠與你

諸人枉師云我當時若見只向他道何必待這老漢
東西顧視却與一喝驚羣須是英靈漢勝敵還他師
子兒

正旦上堂三百六旬之始二十四氣之初斗柄回春
風炎奪日或晝短而夜長或夜短而晝長或暑往而
寒來或暑來而寒往花根本體虎體元斑雖然不改
舊時人未免人人添一歲召衆云祇這一歲添到盡
未來際那裡泊枉

元宵上堂烈燄爐中撈得月此月了無圓缺大洋海
底剔金燈此燈不屬晦明正當正月十五日天上人
間標不出黑似漆明如日自古自今誰得誰失皆吾
心之常分非有假於他術喝一喝

上堂拈拄杖云報恩未踞曲录木牀已前與拄杖子
同叅四十年來五處住山與拄杖子同樂畢竟作麼
生叅又有什麼樂教拄杖子開口卽易教報恩開口
卽難何也父母所生口終不爲汝說且聽拄杖子說
看卓一下云此是截鐵之言

上堂深深海底撥得一星火高山頂釣得一雙魚
然此火煮此魚喚取木人開鉢孟石人聞得暗嗟吁
莫嗟吁爭之不足讓之有餘

華嚴經會陞座僧問一塵含灑界無邊時如何師云
三更不閉戶進云善財童子爲什麼往南方師云一
步不曾移進云五十三人善知識各談灑要不可是
虛說也師云一家有事百家忙進云如何是普光明
殿師云草裏輓進云如何是盧舍那身師云上是天
下是地進云竹影掃塔塵不動月穿波底水無痕師
云蝦跳不出斗進云今日元帥恭請本山一眾闍華
嚴經未審八十一卷中那一句最親切師云合眼跳
黃河進云若將耳聽終難會眼處聞聲方得知師云
一任鑽龜打瓦乃云說真真說妄妄真妄本處如理如事

理事常寂問也言言絕待答也句句通宗經中道華
藏世界所有塵一一塵中現灑界寶光化佛如雲集
此是如來刹自在刹自在故卽凡身而證佛身現灑
界故處穢土而同淨土鬧市裏天子百草頭老僧前
三三後三三你又作麼生會喝一喝復舉僧問上藍
超和尚善財旣見文殊爲什麼却往南方此意如何
藍云學憑入室知乃通方僧云到蘇摩城後彌勒爲
什麼遣見文殊藍云道曠無涯逢人不盡師云奇特
中奇特玄妙中玄妙達灑源的須是上藍始得祖師
門下直是未在

結夏小叅僧問如何是山裏禪師云胡孫上樹尾連
顛進云如何是城裏禪師云十字街頭一片輓進云
如何是村裏禪師云扶桑人種陝西田進云謝師答
話師云蒼天蒼天乃云衣食養壽命一日不可無糞
掃敵寒暑麤糲療形枯昨日三春今朝九夏何不趁
色身強健時撥教生死路頭明白要去便去要住便
住誰障得你誰礙得你豈不俊哉豈不快哉且道生
死路頭作麼生撥空手把鉏頭步行騎水牛人從橋
上過橋流水不流若不與你下箇註脚空手把鉏
頭驟馬上高樓步行騎水牛鬧處冷湫湫人從橋上

過飯籬頭受餓橋流水不流撥火竟浮漚時不待人
叅復舉圓覺經云居一切時不起妄念於諸妄心亦
不息滅住妄想境不加了知於無了知不辨真實師
云若然者道有也得道無也得向上也得向下也得
得也得不得也得數片白雲籠古寺一條綠水繞青

山

上堂羣芳已謝百穀云滋綠樹鶯啼雕梁燕語大野
涼風颯颯長天細雨濛濛惟一堅密身一切塵中現
還有不現的時節麼卓拄杖一下

上堂鷹化爲鳩眼在魚化爲龍鱗在凡化爲聖心在

阿那箇是你心喝一喝

上堂天不能蓋誰是能蓋者地不能載誰是能載者日月不能喫誰是能喫者父母不能生誰是能生者這一句子亦能迷却天下人亦能悟却天下人豎拂子云開眼也著合眼也著擲拂子云是什麼

上堂知見立知卽無明本知見無見斯卽涅槃無明涅槃相去多少良久行到水窮處坐看雲起時

上堂宗門中瓶中鵝喻井中人喻窻中山喻教乘中水中月喻鏡中像喻庫中刀喻鼎中金喻瓶中空喻諸有智者要以譬喻而得開解三十年後悟去不得

孤負老僧

久雨不晴剗上堂太陽溢目萬里不挂片雲古人道青天也須喫棒空將未歸意說與欲行人

上堂舉手云開卽成掌五指叅差在臨濟則三要三玄在洞山則正偏回互在雲門則三句擡薦在滄仰則父子唱酬在灑眼則唯心唯識禪門五爪有卷有舒乃握拳云如今爲拳必無高下旣無高下坐斷古今拈燈籠向佛殿裏將三門來燈籠上

上堂半夜子心住無生卽生歟拈拄杖云這箇不是無生卓一下云生歟向什麼處去也昨夜三更在方

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

夷不語金卷六

七

丈內偶然踏著一物不知是瓦不知是石天曉看來元是一顆爛瓦一疑是瓦也不是一疑是石也不是天曉看來是爛瓦祇這疑心何處起亦無神亦無鬼子細思量祇是你昔日玄沙同僧入山見虎僧云和尚虎沙云是你虎乃撫掌三下下座
解夏小叅僧問佛佛授手祖祖相傳未審是授衣耶傳灋耶學人上來請師指示師云黃河九曲進云昔日大慧和尚居洋嶼菴一夏打發一十三人畢竟是有傳授無傳授師云斫額望扶桑進云報恩一眾還有人得道也無師云青天白日進云學人未得入處

請師不吝慈悲師云莫鬼語進云携取詩書歸舊隱野花啼鳥一般春師云取性乃云報恩一夏說的諸人一夏叅的須知說的不道一字叅的不資一灋不道一字說而無說不資一灋叅而無叅叅而無叅真叅說而無說真說所以道十方同聚會箇箇學無爲此是選佛場心空及第歸大丈夫不可受人處分也心空及第壓良爲賤成佛作祖愛聖憎凡總不與麼無繩自縛直下如獅子兒哮吼一聲狐狼野干一時屏跡如塗毒鼓一擊遠近聞者皆喪九旬制滿又作麼生尋常恰似秋風至無意涼人人自涼復舉洞山

史册

卷一百零六

七

與密師伯叅鄂州哲禪師哲問曰闍梨近離什麼處
山云湖南哲云觀察使姓什麼山云不得他姓哲云
名什麼山云不委他名哲云還治事否山云自有廊
幕在哲云還出入否山云不出入哲云豈不出入洞
山拂袖便行明日哲入僧堂云昨日對二闍梨一轉
語不稔今請二闍梨道若道得開粥相待過夏速道
速道山云太尊貴生師云要會尊貴麼報恩不開這
兩片皮諸人向什麼處摸索
上堂秋風涼秋夜長天河無起浪月桂不聞香耳到
聲邊聲到耳從教露草泣寒蟿

中秋上堂舉雲巖掃地次道吾云何得太區區生巖
云須知有不區區者吾云與麼則第二月也巖豎起
帚云這箇是第幾月吾拂袖出去雲門云奴見婢殷
勤師云雲巖豎起帚道吾便出去總是第二月那箇
是不區區者此夜一輪滿清光何處無

探元帥回上堂兵隨印轉紀信登九龍之輦將逐符
行霍光賣假銀之城然則有符必有將有印必有兵
兵在這裏印在什麼處良久云報恩今日小出大遇
上堂如我按指海印發光汝暫舉心塵勞先起師云
我不似黃面老人打破狼藉喚什麼作海印將那箇

爲塵勞覓針鋒許了不可得

諸山至上堂僧問如何是在窟師子師云頭頂天進云如何是出窟師子師云脚踏地進云如何哮吼師子師云還聞麼進云卽今聞也作麼生師云伏唯尚享乃云一花開大地春一葉落天下秋動絃別曲貴知音瞬目揚眉早蹉過然則不犯之令把斷要津無味之談塞斷人口德山棒臨濟喝俱抵豎指脊袒面壁歸宗斬蛇大隋燒畚石鞏張弓子湖看狗或則平田淺草或則鐵壁銀山或則掣電轟雷或則和泥合水全提正印獨振宏綱檢點將來不無滲漏所以卽

心卽佛今時未入玄微非心非佛猶是指蹤之極向上一路千聖不傳學者勞形如猿捉影還有趣向分也無平蕪盡處是青山行人更在青山外復舉僧問黃龍璣和尚云禪以何爲義璣云以謗爲義師云若有人問南湖禪以何爲義向他道以贊爲義且道謗的是贊的是眼見則瞎耳聽則聾口說則啞心思則窮天際雪埋千丈石洞門凍折數株松

初冬回寺上堂僧問昔日有僧問大隋劫火洞然大千俱壞未審這箇壞不壞隋云壞僧云與麼則隨他去也隋云隨他去也此意如何師云疑則別參進云

後來雪竇頌云劫火炎中立問端衲僧猶帶兩重關
 可憐一句隨他去萬里區區獨往還如何是兩重關
 師云十重也有進云這僧因什麼有疑師云裂破進
 云未審大隋意作麼生師云前不迭村後不構店進
 云白雲乍可離青嶂明月難教下碧天師云你猶醉
 狂乃云一毫吞却山河大地則易山河大地吞却一
 毫則難也不難也不易鋪箇破席日裏睡料想上方
 兜率宮也無如此日炙背復舉青蘿負緣直上寒松
 之頂白雲淡泞出沒太虛之中萬灑本閒而人自閒
 黃龍云開箇什麼師云莫道無事好

佛日普獎慧辯楚石禪師語錄卷第六

音切

獄

切胡官

蹠

徒奚切

爇

蘇切

糲

力葛切

蟹

卽長切

奮

與居切

泞

直與切

嘉興包世熙施贊刻此
 楚石禪師語錄第六卷
 州玉國英書應天府溧水縣端本澄刻
 萬曆庚寅秋五臺山妙德菴識
 昆明沙彌真玄對
 真

佛日普賢慧辯楚石禪師語錄卷第七
再住海鹽州天寧永祚禪寺語錄

侍者良彥等編

示眾祖師言句無你哂噉處如今兄弟行脚傍人門
戶卑他殘羹餽飯好不惺惺只管橫咬豎咬不肯放
糞堆頭蠅子一般纔拂他反生嗔怪眾生顛倒以觸
爲淨莫教一場契病到時求生不得生求死不得死
却思量從前做的全未了在這箇說話不是山僧誰
你賺你你看他從上佛祖怎生爲人南泉道不是心
不是佛不是物又僧問洞山如何是佛山云麻三斤

許你哂噉麼終不教你意根下卜度盡是從千聖頂
顛上拈出倚天長劍向你第八識上斷一刀教你放
身捨命灰中得活方好開大口道我是衲僧自旣解
粘去縛亦能與人解粘去縛自旣作佛亦令大地衆
生作佛解好麼

示衆十二時中不依倚一物尚未是作家我宗門中
不似三經五論座主向葛藤裏埋却兄弟開口便道
我是禪和及乎問他如何是禪便東覷西覷口如匾
擔相似苦哉屈哉達磨一宗看看委地也譬却佛祖
飯了不去理會本分事爭持文言俗句高聲大語略

無忌憚全不識羞有般底不去蒲團上坐究明父母
未生以前本來面目冷地裏學客春指望求福懺除
業障與道太遠在不見道只今休去便休去欲覓了
時無了時

示衆一朝村院主萬劫出頭難大難大難若是箇漢
佛語祖語不教蘊在胸襟掉向他方世界何況世間
淺近之學便誦得四帝隋典但增妄想堪作什麼食
人涎唾未有了日不如無事好見我道無事便作無
事會又爭得若要真箇無事須下灰工夫大灰一回
灰中得活便能超毗盧越釋迦百币千重七通八達

祖師巴鼻向上宗乘盡與埽除不勞拈出雲門云我
今日共你說葛藤屎灰屎火泥猪疥狗不識好惡屎
坑裏作活計汝若跳出屎坑却來山僧手裏請棒契
示衆看這般時節有志學道兄弟那裏放包從上來
建立門庭爲什麼事可但爲你幾箇鄉親法眷圖口
腹恣無明成羣作隊造地獄業佛法禪道推向一邊
爭知業報來卒禪避不得刀山劍樹鑊湯爐炭無人
替代渠如今大方叢林兵變以來南北東西萬中無
一因什麼如此蓋是惡貫滿業果熟自作自受更教
誰承當祖師勸你出家終不但爲衣食名利拋鄉別

井也只爲生處事大無常迅速尋師訪友切切究明
噴地一發成佛作祖去報父母深恩去度脫天下人
去旣不如此因何出家冷地思量古風大好饑則乞
食寒則補衣日中一餐樹下一宿旅泊三界示一往
還永斷無明方成佛道豈不見無業國師示衆云古
人得意之後茅茨石室折脚鐺子裏煮飯喫過三二
十年名利不干懷財寶不爲念大忘人世隱跡巖叢
君王命而不來諸侯請而不赴豈同吾輩貪名愛利
沿沒世塗如短販人有少希求而忘大果與麼指示
可煞分明作福不如避罪多處不如少實在此衣線

下一道圓光阿誰無分莫教失却人身只要你直下
構取便與佛祖齊肩若道山僧妄語甘入拔舌地獄
示眾因舉教中有六念念佛法念僧念戒念天念
施衲僧門下念箇什麼若道念佛道著佛字漱口三
年不可是念佛也若道念法法尚應捨何況非法不
可是念法也清淨行者不入涅槃破戒比丘不入地
獄不可是念僧也持犯但束身非身無所束不可是
念戒也三界無安猶如火宅不可是念天也施者受
者併所施物三輪空寂俱不可得不可是念施也莫
是無念麼纔是無念便是有念避溺投火轉見病深

直饒獨脫無依要作衲僧奴子亦未可在欲得會麼
千年無影樹今時沒底罌

示眾上來下去總似衲僧子細檢點將來只這上來
下去全無衲僧氣息莫是不上來不下去是衲僧麼
不可燈籠露柱便是不思議人也佛法不是這箇道
理終不禁你上來下去上來下去沒嫌底法但只怕
你肚裏有疑設使禪牀上坐閉眉合目不免心念紛
飛廊下經行依舊七顛八倒祖師見你如此立箇繫
驢橛了事衲僧拽脫便行上來下去有什麼事法眼
和尚云昨夜鐘鳴時諸人盡來此今夜鐘鳴時復來

有何事有何事無一事無事人佛也不奈他何洞山和尚云我這裏尋常方丈內不似諸方一箇上來一箇下去啾啾唧唧私地裏說的禪道佛法盡是向你兄弟面前滿口說滿口道滿口拈提滿口藥揀無你左遮右掩處這箇說話是事不獲已一時和底翻出喚作效馬醫約山僧見處無佛無祖無生歿無涅槃只要你直下無事更問如何苦哉佛墮耶

示眾可中學道多只認得箇昭昭靈靈殊不知昭昭靈靈正是生歿根本長沙和尚道學道之人不識真只爲從前認識神無量劫來生歿本癡人喚作本來

人楞嚴會上釋迦老子爲阿難說一切衆生從無始來種種顛倒業種自然如惡叉聚諸修行人不能得成無上菩提乃至別成聲聞緣覺及成外道諸天魔王及魔眷屬皆由不知二種根本錯亂修習猶如煮沙欲成嘉饌縱經塵劫終不能得云何二種阿難一者無始生歿根本則汝今者與諸衆生用攀緣心爲自性者二者無始菩提涅槃元清淨體則汝今者識精元明能生諸緣緣所遺者由諸衆生遺此本明雖終日行而不自覺諸仁者且道生歿根本與菩提涅槃是同不同若道同生歿自生歿涅槃自涅槃若道

不同阿難一身便成兩佛何不出來通箇消息莫只
背地裏逞奴唇婢舌臘月三十日閻老子徵你草鞋
錢別人替得你麼

示衆諸仁者聖人全體卽是凡夫而凡夫不知凡夫
全體卽是聖人而聖人不識不識故念念純真不知
故頭頭屬妄諸佛出世祖師西來全妄卽真全凡卽
聖何人皮下無血誰家竈裏無煙有時踢出脚尖頭
露迴迴地針劄不入有時攤開手面上風颯颯地水
洒不著無一塵不攝無一刹不周無一體不該無一
根不備能巧能拙能隱能顯能大能小能合能開且

道是什麼物恁麼奇特喝一喝

示衆從上來無傳授的凜亦無承當的人覓師弟子
了不可得於中借一句子如節度使信旗相似要用
便用不用便休初無實法一大藏教教外別傳石上
種瓠苗特地尋枝葉三世諸佛夢中說夢六代祖師
夢中說夢天下老和尚夢中說夢山僧夢中說夢諸
人夢中說夢這一場大夢直到盡未來際卒未覺在
你要出生死被生死羈絆你要斷無明受無明纏縛
有底便道無明卽大智要斷做什麼生死卽涅槃要
出做什麼癡漢什麼人在三界內什麼人在三界外

直下會去口是禍門

示衆古釋迦不前今彌勒不後正當今日凡聖情盡
體露真常事理不二卽如如佛我此一衆人人本具
箇箇圓成在圓覺大伽藍了衲僧本分事可與人天
作眼人天窺覷無門可與佛祖爲師佛祖贊歎有分
饒你八萬四千母陀羅臂高高托至梵天欸欸地放
下來何曾動著脚下一莖毛子因甚如此爲他不立
一法不守一玄通宗通塗透頂透底得大解脫住不
思議與麼安居方堪持論

示衆據說娑婆世界坑坎堆阜瓦礫荆棘土石諸山

高下不平極樂世界地平如掌宮殿樓閣珍寶莊嚴
水鳥樹林常宣妙法雖然有夭有壽有苦有樂若論
箇些子那邊八兩這裏半斤非淨非穢非生非佛不
用厭此忻彼愛聖憎凡旣無忻厭等心又無聖凡等
見隨緣放曠任性縱橫變大地作黃金攪長河爲酥
酪改禾莖爲粟柄易短壽作長年皆吾心之常分非
有假於他術拈拄杖云十方世界只在目前

示衆教乘中也大可畏爛泥裏有刺踏著方知如華
嚴云有大經卷在微塵中量等三千大千世界書寫
三千大千世界中事無不盡有一智人破塵出經汝

若會得釋迦何別有時拈一莖草作丈六金身用有時將丈六金身作一莖草用三千大千世界只在一毫端一毫端處收攝三千大千世界用也得不用也得何處更有涅槃生歟名字亦不見有諸佛菩薩三乘次第總是諸人擔帶得來只恐識不破若識破後有什麼事饑時喫飯寒則著衣

示衆一人得道地神報虛空神虛空神報非想非非想天遞相告報云下界有人得道有濟人之分若據此說決定不虛我輩沙門釋子克徧大地不可無一人也實不敢欺兄弟總道我尋師擇友行脚參禪遠

是三千近是五百尋得多少師擇得多少友行得多少脚參得多少禪畢竟得道也未古人有言如人飲水冷暖自知又道隔山見煙便知是火隔牆見角便知是牛只怕你不得那裏有不知的且喚什麼作道試吐露看是虛是實有麼有麼如無銜鐵負鞍有日在

示衆無事珍重大衆久不散師乃云有什麼事近前決擇如今說箇無事多少人錯會便道無事好若比麤煩惱雖難斷却輕耽著無事病最難治却重不見道無爲無事人猶是金鎖難祇如二乘斷結證得阿

羅漢便自謂百了千當住大解脫更不前進正眼觀之如溪坑相似直須回心向大到十地滿足見性猶隔羅縠在所以彌勒阿閼及諸妙喜等世界尚被他向上人喚作無慚愧懈怠菩薩此中學道大難大難不坐空王殿不挂本來衣何須在恁麼切忌未生時到這田地有些此子衲僧氣息

示衆見老和尚陞堂舉起拂子便道指示學人你在長連牀上開單展鉢喫粥喫飯這裏何不悟去你妄想起時便有禪你不起妄想時便無禪禪不是你妄想得的山僧尋常道語默動靜折旋俯仰一一明妙

一一天真德山臨濟不假棒喝直下見得可煞分明祇這些子透不過誰障礙你何不卽今了却雖然了了了時無可了玄玄處處直須訶會麼

示衆如今要見自心作麼生見且那箇是心若道只這推窮尋逐的是心又遭佛訶斥推窮尋逐的決定不是心此但妄識識有生滅心無生滅生滅屬識不屬心衆生從無始劫來不得道者爲妄識所惑添轉生歿諸佛菩薩悟真心者則不被生歿之所流轉真心處垢不垢處淨不淨處生不生處滅不滅譬如隨色摩尼寶珠若人得之無不成佛

三衆玄沙道道人行處如火消冰箭旣離弦無返回之勢所以牢籠不肯住呼喚不回頭古聖不安排至今無處所又云道人不悟妄自涉塵處處築著頭頭繫絆更擬凝心斂念攝事歸空隨有念起旋旋破除細想纔生即便遏捺如此見解卽是落空亾的外道魂不返的亾人冥冥漠漠無覺無知塞耳偷鈴徒自欺誑近來多有此輩盛行世間又有一等驢前馬後漢遞相傳授妄認幻夢伴子能嗔能喜能見能聞爲出世大事教他認得明白了便是一生叅學事畢山僧向他道不是古聖喚作識神生歿根本我且問你

這箇本來人無常到時燒作一堆灰了且道能嗔能喜能見能聞的什麼處去也恁麼叅的是藥汞銀禪此銀非真一煨便流又如驢乳搆來純成屎尿要麼酥酪實難更討什麼醍醐因問他你尋常叅誰他道有人教我只叅萬法歸一一歸何處又教我如此會今日方知不是就和尚請箇話頭我道古人公案有什麼不是者我眼本正因師故邪累請不已向他道去叅趙州狗子無佛性話忽然打破漆桶却來山僧手裏請棒啐

示衆百尺竿頭坐的人雖然得入未爲真百尺竿頭

須進步十方世界現全身只如百尺竿頭如何進步
你纔擬心早落地上了也不動一塵又是鈍鳥逆風
飛與他坐的何別還有人講得麼石火電光那容眨
眼快與快與時不待人有志叅禪終不得少爲足登
山須到頂入海須到底登山不到頂不知宇宙之寬
廣入海不到底不知滄溟之淺深既到百尺竿頭直
須進步始得我這裏無解路教你入無言句共你商
量一味朴實頭如馬前相撲更不周由者也倒地便
休不似諸方老宿密室裏說的禪道佛法有不啗啄
處口遞一口人傳一人將爲向上提持宗門命脉冷

地覷見鑊湯爐炭一般得便寔是落便宜若是真正
道流爭肯喫他這般茶飯急須吐却

示衆一大藏教只是箇賣田鄉帳東西四至一一分
明畝步短長亦無增減買者却須親到地頭五十年
前有人將鮑郎浦爲田賣與楊總管宅及乎驗實竝
是虛文西天九十六種外道所說以訛傳訛惟佛一
人是眞實語達磨不立文字直指人心見性成佛只
與買田的作箇證見而已諸人曾到地頭麼須知盡
十方乾坤大地人畜草芥高低闊狹無空缺處總是
自家屋裏的所以道山前一片閒田地叉手丁寧問

撰述
祖翁幾度賣來還自買爲憐松竹引清風五祖老人
與麼道大似冒姓佃官田更不納租稅別無定奪依
例施行拈拄杖云吽吽

示衆行脚高人總道我穿雲度水擔囊負鉢爲生
事大叅善知識來及乎問他那箇是你叅的善知識
卽今在什麼處便道諸方踞曲杓木牀把拂子柄談
玄說妙的是我道你錯會了也這箇是名字善知識
須知真善知識不踞曲杓木牀不把拂子柄不談玄
不說妙你未出家時怨親眷屬人我是非是你真善
知識旣出家了燈籠露柱香爐椅子鉢囊鞋袋是你

真善知識以至若聞若見鐘魚鼓板水鳥樹林這邊
那邊靜的鬧的總是你真善知識不消起一念動一
塵直下悟去許你出意想知解五蘊身田一生叅學
事畢何在三條椽下七尺單前晝三夜三觜盧都地
方爲究竟者哉

示衆祖師門下客自有本叅事合去理會只管看他
經論大不相當經有經師論有論師旣稱禪師却鑽
頭入故紙堆裏作麼佛自說三乘十二分教如空拳
誑小兒是不知號曰無明要做沒量漢須真叅實悟
始得他時後日不被生奴拘絆去住自由不然悞你

去在豈不見晏國師道西天一段事總被今時人埋
沒却覓箇出頭處不得更有老宿道大唐國內盡是
滅胡種賊人家男女乍入叢林何曾會得聞舉經舉
論便刺頭入裏許念念言語賺他多少人十生累劫
擔枷帶鎖於自己轉踈轉遠且宗門中事合作麼生
不惜口業向汝諸人道不假記一字亦不用一功亦
不用眨眼亦不用呵氣大坐著紹却去這裏會得多
少省力更賺他太絮道我拈得不分明自是你根性
遲鈍干別人什麼事珍重

示眾昨日有一座主來問山僧云禪門何故不許人
看經論我向他道你若知得釋迦老子舌頭落處千
經萬論一任看取只如經云一切諸佛及諸佛阿耨
多羅三藐三菩提法皆從此經出喚什麼作此經却
又答不得論云一切諸法從本已來離言說相離名
字相離心緣相畢竟平等無有變異不可破壞唯是
一心故名真如當恁麼時喚什麼作論又無語因舉
祖師偈云正說知見時知見卽是心當心卽知見知
見卽如今乃拈起拄杖云會麼主云不會云何不
取箇不會的主云只如不會作麼生會我以拄杖向
空中點三點云分明記取舉似作家召眾云昨日那

裏落節今日這裏拔本

示衆有人問南泉和尚云黃梅門下有五百人爲什麼盧行者獨得衣鉢泉云只爲四百九十九人皆解佛法獨有盧行者一人不解只會其道所以得他衣鉢且如道作麼生會向這裏亂統得麼豎拂子云這箇不是色作麼生見擊拂子云這箇不是聲作麼生聞既不可見又不可聞畢竟道在什麼處傳大士云東山水上浮西山行不住北斗下閻浮是真解脫處洞山和尚道向前物物上求通只爲從前不識宗如今見了渾無事方知萬法本來空這兩箇老漢於無

言中顯言無相中示相無意中立意無性中說性此無性之旨是得道之宗所以教中道念念攀緣一切境心心永斷諸分別了達衆生無有性而於衆生起大悲分明說了尚自不會更近前就我覓我與你一棒還知慚愧麼

示衆舉真淨和尚一日在室中問僧云了也未僧云未了淨云你喫粥了也未僧云了淨云又道未了復云門外是什麼聲僧云雨滴聲淨云又道未了復云面前是什麼僧云屏風淨云又道未了復云還會麼僧云不會乃云聽取一頌隨緣事事了日用何欠少

一切但尋常自然不顛倒師云要識真淨麼家住海
門東扶桑最先喫一一超佛越祖頭頭蓋巴騎聲也
不屬凡也不屬聖快活中快活自由中自由漢地不
收秦不管又騎驢子下揚州

示衆釋迦老子道當處出生隨處滅盡還曾麼昨日
雨今日晴莠花紅李花白登山者不知涉海之疲勞
涉海者不知登山之辛苦龍門和尚道山僧適在寢
堂中法堂上無山僧寢堂中有山僧下至法堂法堂
上有山僧寢堂中無山僧有則心外有法無則心法
不周諸上座在衲鉢下聞打鼓便上法堂法堂上添

得上座衣鉢下減却上座添則成增減則成滅滅故
落斷增故落常如何得離有離無離常離斷生歎疑
情大難透脫此是如來清淨心要直須決擇不可等
閒召衆云古人恁麼說話且道與德山臨濟相去多
少塞北千人帳江南萬斛船

佛日普照慧辯楚石禪師語錄卷第七

音切

餽

色求切

鞞

肝癢切

佃

同見切

嘉興包世杰施費刻此
 楚石禪師語錄第七卷 昆明沙彌真玄對
 州王國英書 應天府江寧縣魏子清刻
 萬曆庚寅秋五臺山妙德菴識

佛日普照慧辯楚石禪師語錄卷第八

代別

侍者應訢等編

上堂一不得有二不得無有之與無尖斗量不盡淨
 潔打疊一句作麼生代云天晴日出又云天晴日出
 自古自今作麼生是隨添一句代云哪又云是什麼
 又云釣絲絞水或云孤負諸聖埋沒已靈且道此人
 向什麼處行履代云賊不打貧兒家又云賊不打貧
 兒家尚有人不放伊過請訛在什麼處代云一人之
 力不如百人

上堂晝見日夜見星將什麼見代云問取露柱又云平地掣交又云平地掣交多少人不知又云不知且置作麼生扶起代云合識些子好惡

上堂有一人朝看華嚴暮看般若問他教意作麼生起來問訊叉手而立誰敢道他不會代云更要棒那又云利劍不斬死漢有時云利劍不斬死漢這裏莫有獨脫無依的麼代云填溝塞壑又云錢塘去國三千里

上堂釋迦已滅彌勒未生正當今日佛法委任何人代云非但今日又云非但今日前無釋迦後無彌勒還有叅學分也無代云官不容針又云官不容針因什麼知而故犯代云孟嘗門下或云久戰沙場爲什麼功勛不立代云日月易流又云日月易流千年田八百主又云叅堂去

上堂開市裏天子百草頭老僧你爲什麼不領代云滿眼滿耳又云滿眼滿耳且莫認奴作郎代云松不直棘不曲有時云毛吞巨海芥納須彌如何是毛吞巨海芥納須彌代云舌頭不出口又云舌頭不出口蓋是尋常爲什麼天高東南地傾西北代云理長則就或云日輪繞四天下半夜不照閻浮提閻浮提人

撰述一
卷之五
將什麼作眼目代云東西南北又云東西南北時人知有不屬明暗道將一句來代云谷谷孤

上堂太平只許將軍建不許將軍見太平作麼生明得失代云好事不如無又云好事不如無未枉更道代云教休不肯休直待雨淋頭有時云治生產業皆與實相不相違背如何是實相代云上是天下是地又云上是天下是地俗氣不除作麼生除得代云要除什麼一日云古聖不安排至今無處所爲什麼北斗在北南斗在南代云一字兩頭垂

上堂空劫中什麼人爲主代云啞齒臨啞部臨又云毒虵不咬人代云毒虵不咬人看你親遭一口又云禍不入慎家之門

上堂泡幻同無礙如何不了悟這裏還見祖師麼代云來也來也又曰成人者少敗人者多又云成人者少敗人者多你又刺頭入裡許作什麼有時云巢知風穴知雨未有風雨時憑什麼便知代云白日無閒人又云白日無閒人成得箇什麼邊事代云夢見又云六六元來三十六

上堂三世諸佛不知有狸奴白牯却知有那箇合受人天供養代云鉢裏飯桶裏水又云鉢裏飯桶裏水

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷八

三

識得來處卽消得又云又恁麼去也一日拈拄杖云我不在此住且道在什麼處住你若道得我賞你三十代云惜取眉毛又云停囚長智或云是法平等無有高下爲什麼須彌山不見其頂大海水不見其底代云俱又云空尚不可得

上堂觀方知彼去去者不至方阿耨達池分爲四河因什麼各不至海代云滔滔地有時云打破虛空的人向什麼處藏身代云善財拄杖子又云善財拄杖子拈起則是放下則是代云渠儂得自由又云渠儂得自由我道此人脚下紅絲索未斷在又代云以已

妨人

上堂諸方二百五百說禪浩浩地我這裏燒燂拙火煮野菜羹喫却飯了瞌眠去你道當宗乘不當宗乘代云萬瓦清霜一牕紅日或云如來有密語迦葉不覆藏你爲什麼在露柱裏踔跳代云漫別人卽得又代云驢年

上堂事存函蓋合理應箭鋒拄天寧答話也致將一問來代云一言旣出駟馬難追又云見義不爲何勇之有有時云臨濟下也恁麼道曹洞下也恁麼道其餘固是不問可知你且道威音王已前畢竟如何道

文冊

卷八

四

代云狼籍不少又代云初三十一中九下七或云去
却一拈得七是多少代云無這閒工夫又云蜜怛哩
孤蜜怛哩智

上堂各各不相知各各不相借是箇什麼得與麼難
會代云龍蛇易辨衲子難謾或云雞不鷓無功之食
未出常情不涉兩頭作麼生道代云人貧智短馬瘦
毛長有時云青山白雲裏人只知青山白雲裏事紅
塵鬧市裏人只知紅塵鬧市裏事作麼生得一如去
代云六耳不同謀又云更嫌鉢盂無柄那有時云路
逢達道人不將語默對將什麼對代云鼻曲面藍巉
又云君往西秦我之東魯

上堂赤肉團上壁立千仞還有商量分也無代作掀
倒禪牀勢或云語不離巢道焉能出蓋纏古今佛祖
言教如恒河沙什麼處是他滲漏處代云寰中天子
塞外將軍一日云舉不顧卽差互擬思量何劫悟莫
有人出得此語麼代搖手而已又云維那不在又代
云千日斫柴一日燒

上堂擾擾匆匆晨雞暮鐘你道那一人三界內三
界外代云不經一事不長一智有時云說禪說道月
成佛作祖難代云近日世界不好又云近日世界不

撰述
列不詳卷
五
好雲門大師拈了也不要代云有什麼了期或云日就牕牕就日人搬柴柴搬人甕吞蛇蛇吞甕與麼說話一去三十年不要提著提著打折你腰代云悔不愼當初又云彼此

上堂應緣而化物方便呼爲智若不方便喚作什麼代云突出難辨又云轉掃轉多或云日用事無別爲什麼昨日栽茄子今日種冬瓜代云一擔兩桶又云分付與典座

上堂了卽業障本來空如今作麼生了代云洗脚上船有時云如許多時雨水無根樹子長多少代云芽尚未全又代云或則穿沙或則逗石或云無邊身菩薩不見如來頂相卽且置你道如來還見無邊身菩薩頂相麼代云事不孤起或云我不見一法在門外猶是門外句作麼生是門內句代云還見儂家麼又代云此去西天十萬八千

上堂在天中尊在人人中尊畢竟是天耶人耶代云噫

上堂拄杖橫挑日月鉢盂倒覆乾坤如何是行脚事代云此去客亭不遠一日云大耳三藏第三度不見國師國師在什麼處代云曲不藏直或云心不是佛

智不是道猶是水母借鰓爲目生機一路熱梳鳴聲
總不與麻眉須墮落諸人作麼生代云惡又云賊是
小人又云消得龍王多少風

上堂古人道二龍爭珠有爪牙者不得意在於何莫
是不爭者得麼龍在這裏珠在什麼處代云什麼處
去來又云且莫造次又云百襍碎一日云明眼衲僧
好與二十拄杖過在什麼處代云伏惟尚享又云一
箇閒人天地間

上堂說則千句萬句如錦上鋪花不說則盡大地人
竝皆凸鋒結舌如無孔鐵槌相似說與不說拈了也
作麼生代云一堵牆百堵調又云某甲不會或云王
索仙陀婆一名四義王不索時義在阿那頭代云風
不來樹不動又云一筆勾下

上堂三世諸佛骨髓六代祖師眼睛應是從前肯重
底盡情颺却管取一員無事道人代云穿却鼻孔又
云棒上不成龍又云朝三千暮八百或云殺人刀活
人劍上古之風規今時之樞要用則星飛火迸不用
則浪靜風恬諸人作麼生話會代云口挂壁上又云
這野狐精又云點

上堂江東西湖南北到處行脚也曾聽尊宿說話來

且道那一句最親切代云一札十行又云兩重公案
又云掩耳便出

上堂城東老母不願見佛爭奈冤家難脫離如今不
要見佛有什麼難以手掩面云見箇什麼代云轉近
轉疎又云青天白日又云且喜沒交涉或云但莫憎
愛洞然明白衲僧到這裏便道我只官閒坐困眠更
有什麼事忽然拈山門來佛殿裏將佛殿向燈籠上
你又作麼生商量代云物見主眼卓豎又云不得春
風花不開又云舌是斬身之斧

上堂若一毫頭凡聖情念未盡不免入驢胎馬腹裏
去則固是設使一毫頭凡聖情念淨盡因什麼亦未
免入驢胎馬腹裏去代云劄又云有利無利不離行
市

上堂萬里神光頂後相你道雪山南面卽今有什麼
人代云鑊湯無冷處又云夜暗晝明又云洎合錯下
註脚有時云拈一放一這邊那邊膠盆子相似直須
揮劍若不揮劍漁父棲巢如今作麼生理會代云合
取口又云月似彎弓又云七穿八穴

上堂真如凡聖菩提涅槃有時舒有時卷舒也攢花
簇錦不露鋒鋇卷也削迹收聲全無向背高高處觀

撰述
之不足低低處平之有餘前三三後三三作麼生會
代云一口針三尺線又云入水見長人又云莫塗汚
人好或云三界無法何處求心代云眼不見鼻孔又
云小魚吞大魚又云這掠虛漢

上堂不用朝叅暮請也只是箇仲冬嚴寒添一毫不
得減一毫不得代云用盡自己心又云腦後少一椎
在又云寐語作麼或云離却四大五蘊阿那箇是你
主人公代云全火祇候又云入石三分又云兩箇有
時云一毛頭師子百億毛頭一時現現卽不無作麼
生收代云^病露尾又云不消一捏又云善來文殊

上堂毫釐有差天地懸隔毫釐不差天地懸隔直饒
明得也是蝦蟇窟裏出頭代云腦後見腮又云一得
一失又云少賣弄有時云保福有願不撒沙因什麼
却撒代云口甜心苦又云看看有落在眼上又云自屎
不覺臭或云盡大地是般若光光未發時向什麼處
摸索代云天上星地上木又云這漆桶又云冰消瓦
解

上堂卽今休去便休去欲覓了時無了時你諸人了
得也未代云遇飯喫飯遇茶喫茶又云明月照見夜
行人又云餠餅裏覓甚汁或云動若行雲止猶谷神

不動不止作麼生辯代云野狐過水又云相隨來也
又云一鏃破三關

上堂不受是眼將來的必應是瞎你道老胡十萬里
西來將得箇什麼來既是不將來此土亦無受者可
謂彼既丈夫我亦爾與麼說話已是謗祖師作麼生
免得此過代云謝三娘不識四字又云勞而無功又
云當爐不避火逆或云三界惟心萬法惟識你尋常
見露柱喚作什麼若喚作露柱又是心識若喚作心
識又是露柱畢竟喚作什麼代云坐斷天下舌頭又
云六斧斫不開又云築著鼻孔

上堂靈山密旨迦葉親聞少室單傳神光默契諸人
來這裏還知天寧有講麼代云也不消得又云實謂
罕聞又云和泥合水有時云太陽溢目萬里不挂片
雲拈却青天契棒合下得箇什麼語代云矢上加尖
又云一任踣跳又云囉羅哩囉囉哩或云直下是直
下是直下是什麼代云鐵蛇橫古路又云多少人踏
不著又云與你拈將來看

上堂揚眉瞬目敲牀豎拂向上向下說心說性總是
依草附木精靈格外提持泥裡洗土塊還有爲人處
也無代云却較些子又云把纜放船又云烏龜入水

或云兔馬有角牛羊無角你作麼生商量代云如理如事又云棒打石人頭又云倒退三千里

上堂諸方老宿盡道我接物利生檢點將來大似漫天網子十有九箇墮在其中了事衲僧終不受他籠罩有麼有麼一僧出禮拜師云如今日是什麼時節出頭來僧無語代云某甲罪過或云日可冷月可契衆魔不能壞真說且如何是真說代云怕爛却那又云痛領一問又云山河大地

上堂昨日晴乾鶻鳴今日雨鶻鶻語趙壁本無瑕相如誑秦主隨時及節一句作麼生道代云日日是好日又云君子可八又云東壁挂葫蘆或云開眼也著合眼也著佛祖出來作什麼代云明破則不堪又云中逃影又云功德天黑暗女

上堂直得無一法可當情猶未是衲僧行履處作麼生是衲僧行履處代云話墮也又云驗在目前又云脚下泥深三尺有時云悟則剎那間操履須長久上無攀仰下絕已躬喚作道人暫時岐路光前絕後一句作麼生代云說夢又云皮下還有血麼又云胡地冬抽笋

上堂爲無爲益無益梯航九有津濟四生未必善因

而招惡果什麼處著得此人代云當陽揮寶劍又云
一榼在手又云石上栽花或云不與一法作對便是
無證三昧恁麼則門前樹子消得人天供養也代云
且莫錯會又云舌頭無骨又云刹竿頭上仰蓮心
師室中示眾云開口不在舌頭上作麼生問六隻骰
子滿盆紅作麼生賽頂罩燒鐘一萬斤作麼生出知
從心起爲什麼心不知心見從眼生爲什麼眼不見
眼衆生卽是諸佛迷從什麼處來諸佛卽是衆生悟
從什麼處發一切智通爲什麼明前不明後無邊行
滿爲什麼論果不論因日月行四天下爲什麼不周

世界在一塵中爲什麼不大

師一日出城逢僧緣化師拈起鉢問云如許大鉢盂
盛得多少飯僧云有什麼布施快下將來師云太無
厭生僧無語代云餒驢餵馬 師一日出門迎接次
僧問開門待知識知識不來過不來過者是什麼知
識師便不審僧云和尚見箇什麼師云好心不得好
報僧無語師云一狀領過 師一日因送亾僧僧問
亾僧遷化向什麼處去師云識得來處卽知去處僧
云畢竟從什麼處來師云石牛沿江走一馬生三寅
僧云與麼則無來處也師云你適來問什麼僧擬議

師便打 師一日因修佛殿問掌事僧這殿是什麼
年中蓋造僧擱露柱云何不祇對和尚師云克由耐
耐倒來這裡將虎須三十棒一棒也不恕僧云容某
甲申說便禮拜師云且放過一著 師一日除草次
僧問有根草任和尚除無根草作麼生除師鉏地一
下僧便放身倒師云諸方火墜我這裏活埋僧起走
師呵呵大笑 師在鳳山一日入省次高右丞問禪
分五派教列三乘教則不問如何是禪師云正值歲
朝公讌高云達磨西來不立文字直指人心見性成
佛佛在什麼處師云管絃襍遯朱紫熒煌高云莫便

是長老見處麼師云不敢高云容在別日說話師云
諾諾便退 師在壽山一日栽松次僧問這一片山
擬栽多少松師云三十萬株僧云莫太多麼師云一
一教他蓋天蓋地去僧云昔年臨濟今日壽山師云
且得闍黎證明僧云只如臨濟以鉏頭築地三下黃
檗道吾宗到汝大興於世爲復只記臨濟一人爲復
通囑後嗣師云一點墨水兩處成龍僧云一與山門
爲境致二與後人作標榜和尚作麼生師豎起鉏頭
僧云與麼則超出古人也師拋下鉏頭便歸方丈
師一日忽聞鐘聲起立合掌云觀世音菩薩大慈悲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

菩薩僧云卽今在什麼處師云却歸南海去也 師

一日華嚴座主相訪師問座主華嚴有幾種法界主

云四種法界師云卽今在那箇法界中主罔措師云

理事無礙也不會主云我會也師云鄭州出曹門

師一日與眾觀雪次問僧好雪麼僧云好在什麼處

師指雪良久云會麼僧云不會師云無火凍灰的有

什麼數 師一夕在中庭與僧望月次僧指月問師

那一半得什麼明這一半得什麼暗師云明者從他

明暗者從他暗僧云十五夜圓時暗向什麼處去師

云也與三十不較多僧云恁麼則全無明暗也師云

還見真月麼僧云如何是真月師云不照燭僧云不

照燭時如何師云多少人撈天摸地僧云莫祇這便

是麼師云猶是影在僧擬進語師便喝 師一日赴

施主齋問僧借座燈王取飯香積今日供養何似生

僧云難消師云急須吐却僧云將什麼報答施主師

拈起鉢盂云你也隨例得飯喫僧無語師云苦哉佛

陀耶 師一日因座主來叅問云講什麼經主云法

華經師云經中道是真精進是名真法供養如來是

否主云是師云供養卽不無如何是真法主云具在

藥王菩薩品師云將謂是金毛師子元來却是野干

眷屬主云如何是真法望和尚慈悲指示師云汝豈不從天台來主云是師云天台山高一萬八千丈頂上著得幾人主無語師云喫茶去師一日受齋諸山既至百戲皆集齋畢有一長老問云適來鬧浩浩而今靜悄悄鬧浩浩的向什麼處去也師云大家在在這裏長老云本來無一事變現百千般師云彼此出家兒放教肚皮大長老云只如雪峯三到投子九上洞山還有這箇道理也無師云我見燈明佛本光瑞如此長老便喝師亦喝復云因風吹火用力不多便打長老云莫盲柳瞎棒師云你但喫棒我要這話行

師一口示眾云老僧泰定元年正月十一日緣樓在崇天門外其時五更樓上箭發射透二十四面金鼓自此天下太平僧便問如何是箭師云十字街頭折筋莖有演福潤法師者問云我聞和尚投機頌云崇天門外鼓騰騰鷲劄虛空就地崩拾得紅爐一點雪却是甚更河六月冰六月冰在什麼處師展兩手法師無語師呼云向下文長赴在來日師一日因施主送楊梅箇箇就盒拈起問師云一般楊梅爲什麼有赤有白師以盒子合却云見箇什麼僧無語師又揭開盒云響箇箇又無語師云你只是箇無開合漢師一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

日入經寮不見僧看經問云看的是什麼經僧云金剛
 經師云我不問你金剛經看的是什麼經僧無對師
 召寮元來不日不得上寮 師一日與僧觀稻次僧問
 春種一粒穀秋收萬顆子四海無閒田農夫猶餓死
 為復根苦有異為復天澤不齊師云疎田不貯水難
 怨碧潭龍僧云與麼則時人失望也師云你尋常喫
 箇什麼僧無語師云這孤恩者德漢便打 師因元
 宵殿堂下燈次僧問如何是本來燈師云猶是今日
 事僧云今日事本來燈有什麼交涉師指燈云一二
 三四五僧云謝和尚指示師云劍閣路雖險夜行人

更多僧無語師代云切忌鑽龜打瓦 師一日因僧
 送拄杖師云莫從天台得麼師云不從天台得師云
 莫從南岳得麼僧云不從南岳得師云從什麼處得
 僧度拄杖於師豎起云是體是用僧云拈也從體起用
 放也攝也歸體師云你與麼來只得其體不得其用
 僧云和尚與麼舉只得其用不得其體師卓一下靠
 拄杖云體用一時收 師應詔赴都書金字藏經一
 日入內殿呈卷次有學士問云以字不成八字不是
 是什麼字師舉筆云金滴滴地土云信受奉行去也
 師云學士也不得草草士乃禮謝 師一日遊山見

兩頭路問僧東去西去僧云請和尚鑑師便行至中路問僧此去峯頂幾里僧云三里師云路逢猛虎時如何僧作虎聲師便打云今日等閒打著一虎僧不肯師云分明記取舉似作家 師一日有數僧來叅師問叅頭名什麼僧云普通師云普即不問如何是通僧側身叉手而立師云你擬鼻孔裏祇對我僧無語師云第二第三不勞再勘同坑無異土便打 師一日入城揆官回僧問和尚出入不易師云夜來好風僧云夜來好風師云明日定有雨僧無語師云噓噓 師一日入園問園頭瓜熟也未頭云熟來久矣

師云甜瓜摘一顆來頭取瓜與師云大刀三十口師云飽叢林 師一口索麵次有僧來叅師引麵示之僧珍重便出師召僧僧回首師云有口不得麵喫者多 師一日採粟粟次問僧粟裏有幾粟僧剖粟便瀉師云不得亂瀉僧云不亂瀉時如何師云驢年會麼 師一日與數僧觀海次僧問祇是一片水因什麼喚作海師云祇是一片海因什麼喚作水你且道源從何來僧云從一滴來師云一滴又從何來僧無語師云這箇無地頭漢不打更待何時連打數棒別喚一僧近前云請上座代一轉語僧擬議師亦打又

有一僧出云某甲却道得師云你作麼生道僧珍重
便行師亦打 師一日因僧點茶問云今日爲什麼
人點茶僧云特爲和尚師云恰值老僧不在僧便行
茶師却縮手僧擬議師撲破盞子便歸方丈 師一
日過隣菴問僧庭下是什麼花僧云怕癢花師云花
爲什麼怕癢僧云一家有事百家忙師別云鼓角動
也 師一夜與僧暗坐童子點燈來師問兩箇相似
一箇是影那一箇是什麼僧無語師代云更問阿誰
無著與文殊茶次殊拈起玻璃盞云南方還有這箇
麼著云無殊云尋常將什麼喫茶著無語代云點卽

不到 阿育王問賓頭盧承聞尊者親見佛來是

否 盧以手撥開眉云親見佛來王無對代云宿生多幸

漢國有一菴主遇帝出遊人報云大王來請起主

云非但王來佛來亦不起帝宣問佛豈不是汝師主

云是帝云弟子見師因什麼不起主無語代云欲觀

其師先觀弟子 迦葉踏泥次有一尊者問云何得

自爲葉云我若不爲誰爲我爲者無語代云令人疑

著 武帝問達磨如何是聖諦第一義磨云廓然無

聖帝云對朕者誰磨云不識代云大師早晚離西天

太宗皇帝問僧什麼處來僧云臥雲帝云臥雲深

處不朝天因甚到此僧無對代云雲開日現一寂大
師進三界圖帝問朕居何界寂無語代云陛下天垂
海外王太傅迎木佛至明招乃問忽遇丹霞來時
如何招提起佛云也要分付著人代云今日小出大
遇陸巨大夫問南泉肇法師也奇怪解道天地與
我同根萬物與我一體泉指庭前華云時人見此一
株華如夢相似大夫休去代云十方世界只在目前
韓侍郎與肇論主茶次乃問聞座主講得肇論是
否主云不敢韓云有物不遷義是否主云是韓乃撲
破盞云這箇是什麼義主無對代云又被風吹別調

中僧問趙州學人乍入叢林乞師指示州云喫粥
了也未僧云喫粥了也州云洗鉢盂去僧有省代云
更不切切裴相國叅石霜霜奪笏問云在一人手
裏爲圭在公手裏爲笏在老僧手裏喚作甚麼國無
對代云渠無名字陶相公見人犯法當歿問僧云
殺則違佛戒不殺又犯王法未審如何則是代云喜
時菩薩嗔時刹利洪州大寧衆陳狀請第二座住
持宋令公云何不請第一座代云令公愛把不定
有僧化金鍍佛官人云本望佛度弟子因什麼弟子
度佛代云物逐人興湖南護國僧抄化次官人問

既護國唐三百年社稷何在代云只是舊山河
韶山訪李副使次李令人傳語云正與祖師談話
也代云祖師說箇什麼 洞山行脚次見一官人云
我要註三祖信心銘得否山云只如纔有是非紛然
失心作麼生註代云裴香著 高舍人看鏡燈乃問
僧云十方總是佛身那箇是報身那箇是法身代云
報身法身 陳操尚書齋僧次乃自行食僧方展手
書却縮手僧無對書云果然代云久知尚書不恪
又齋僧次亦自行食至首座前云請施食座云三德
六味書云錯代首座敲鉢作聲 十一祖問十二祖

云汝非諸佛十二祖云諸佛亦非代云非吾弟子
龐居士問馬祖不與萬法爲侶者是什麼人祖云待
汝一口吸盡西江水卽向汝道代云將謂有多少奇
特 耽源禮拜馬祖乃就地畫圓相便拜祖云汝擬
作佛那源云某甲終不捏目代云七棒對十三 南
源云快人一言快馬一鞭僧云如何是一言源云待
我有廣長舌相卽向汝道代云是展是縮 瀉山云
老僧百年後向山下檀越家作一頭水牯牛脇下書
瀉山僧某甲當恁麼時喚作瀉山僧又是水牯牛喚
作水牯牛又是瀉山僧且如何則是代云東西南北

一任縱橫 瀉山令侍者喚院主至瀉云我喚院主
汝來作麼代云怪某甲不得 瀉山又令喚第一座
至瀉云我喚第一座汝來作麼代云和尚慣得其便
僧叅瀉山山作起勞僧云請莫起山云我未曾坐
僧云某未曾拜山云何得無禮代云得便宜是落便
宜 仰山問僧什麼處來僧云幽州仰云我恰要箇
幽州信米什麼價僧云某甲來時向彼中過無端踏
折他橋梁代云日勢早晚也 仰山問僧名什麼僧
云靈通仰云便請入露柱代云有什麼交涉 仰山
執杖行次僧問什麼處得來仰拈向背來代云和尚

莫謾某甲 睦州見僧來叅便喝云上座如何偷常
住菓子僧云某甲方到因什麼道偷菓子州云賊物
見在甞代云也是倚勢欺人 雪峯問洞山入門須
得箇語莫道早箇入來了也山云某甲無口峯云還
我眼來代云何得當面諱却 雪峯問僧什麼處來
僧云覆船峯云生歟海未渡因什麼覆却船代云一
踏兩頭空 雪峯在洞山搬柴次乃對山拋下云重
山云重多少峯云盡大地人提不起山云因什麼得
到此代挑柴便行 雪峯問德山從上宗乘中事學
人還有分否山打云道什麼代云何必 雪峯問僧

什麼處來僧云踈山峯云我以前到時是事不足而今足也未僧云足峯云粥足飯足代云千年常住一朝僧 雪峯見僧來峯云作什麼僧云禮拜和尚峯云你向什麼處見老僧僧便珍重去峯隨後與一踏僧倒地峯云這野狐精放你三十棒僧無語峯云苦哉苦哉今時例皆如此代云賺我來賺我來 興化因對御騎馬乃撲折腳歸院令院主作兩箇拐子拄却乃遶廊行云說得行不得要識跛脚師祇老僧便是代云老和尚口不救脚 雲居令侍者送袴與菴主主云我自娘生袴者回舉似居居再令去問娘

未生時著什麼主無對代與侍者一踏云歸去舉似和尚 僧問雲居曰瞳無影時如何代居云臥龍常怖碧潭清 僧問古德乾坤之內宇宙之間中有一寶祕在形山寶卽不問如何是形山德展兩手僧罔措代云通上孤危直下峭絕 僧問寶壽萬境來侵時如何壽云莫管他僧便拜壽云莫動著動著卽打破汝腰代云多少人坐了起不得 南泉因兩堂首座爭猫兒泉拈起猫兒云道得卽救取道不得卽斬爲兩段衆無語乃斬之代云負命者上鉤來 僧叅南泉乃叉手而立泉云太俗生僧合掌泉云太僧生

僧無語代云老老大大見人過在 南泉見僧洗鉢
孟乃奪却其僧空手而立泉云鉢盂在我手裏汝口
喃喃作什麼代云本自不將來 南泉問良欽空劫
中還有佛否欽云有泉云是阿誰欽云良欽泉云居
何國土欽無語代就地作一圓相以足抹却 僧問
龍牙如何是祖師西來意牙云待石龜解語卽向汝
道僧云石龜解語也牙云向汝道什麼僧無對代云
不說不說 欽山問巖頭今生受施主供養來生作
什麼去頭以手點鼻山云何不向頂顛上生頭推出
閉却門代叩門三下 黃檗問百丈從上諸聖以何

法示人文踞坐檠擬進語丈云我將謂你是箇漢便
入去代云謝和尚重重相爲 趙州見投子教化乃
問莫是投子否投子云茶鹽錢布施將來州休去代
云容到方丈 僧問洞山如何是祖師西來意山云
待洞水逆流卽向汝道代僧云那箇無舌 趙州順
世令僧馳拂子與趙王云此是老僧一生用不盡的
代王拈起拂子云靈山付囑何似今日 興化問雲
居權借一問爲探竿影草如何居三次疊語不能對
代居云上大人丘乙巳 翠巖云一夏以來爲兄弟
東語西話且看翠巖眉毛在麼師云遲八刻 玄沙

問僧近離甚處僧云瑞巖沙云近日有何言句僧云常喚主人公云惺惺著他後莫受人謾沙云一等弄精魂就中也奇怪上座何不住僧云已遷化沙云只今喚得應麼僧無對代云終不借他人口 玄沙問鏡清不見一法是大過患且道不見箇什麼法清指露柱云莫是不見這箇法麼沙云浙中清水白米且從汝卑佛法未夢見在代策起眉毛云聲 玄沙問僧近離甚處僧云德山沙云近日有何言句僧云一日上堂奴纔集乃擲杖便歸閉却門沙云錯舉了也僧問措代云比來拋擲引玉 雲門問僧近離甚

處僧云江西門云江西一隊老宿寐語住也未僧問措代云鸚鵡語鶴 德山問龍潭久嚮龍潭及乎到來潭又不見龍又不現潭云子親到龍潭代掀到禪牀 德山問維那今日幾人新到那云八人山云喚來我與汝一時生按過那無對代云將頭不猛累及三軍 明招在法雲一時挿火從食堂前過有僧云這箇是衆僧的盜向什麼處去招乃轉火挿云上座分上有多少僧無對招云這一隊漢今夜總須凍成代云這賊 明招問國泰古人道俱胝祇念三行呪便得名超一切人作麼生與他拈却三行呪便超得

一切人泰豎一指招云不因今日事爭見得瓜州客
泰無語代云未問以前錯 楊岐在九峯受請方下
座峯把住云今日喜得箇同叅岐云同叅事作麼生
峯云九峯牽犁楊岐拽耙岐云正恁麼時阿誰在前
峯擬議岐托開云將謂同叅元來不是代擬議處便
喝於托開處云心不負人面無慚色 興化問克賓
汝不久爲唱道之師賓云不入這保社化云子會了
不入不會不入賓云總不恁麼化便打來日化白槌
云克賓法戰不勝罰錢作饋飯一堂仍趂出院代於
總不恁麼處別云不敢自謾代賓受打處云蒼天蒼

天 石室擣米次杏山見云不易室云有什麼不易
無心椀子盛將來沒底盤子托將去山無對代云何
得將常住物入衣鉢下用 丹霞問僧什麼處來僧
云山下霞云喫飯也未僧云喫了霞云與汝飯的還
具眼否僧無對代云某甲行脚不逢人 徑山問僧
什麼處來僧云天台來山云阿誰問汝天台來僧無
對代云與麼則叅堂去也 鼓山點茶見僧來乃提
起盞云道得卽與汝茶喫僧無對代云阿誰無分
僧問忠國師百年後人問極則事如何國師喝云幸
自可憐生須要箇護身符作麼代云賊不打貧兒家

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

法眼問修山主毫釐有差天地懸隔時如何修云
 毫釐有差天地懸隔眼云恁麼會又爭得修云某甲
 祇如是和尚又如何眼云毫釐有差天地懸隔代云
 面赤不如語直 南泉問僧什麼處來僧云神山打
 羅來泉云手打脚打僧無對代云更飾一和 洞山
 同密師伯入餅店密於地上畫圓相云將取去山云
 拈將來密無對代云爭之不足讓之有餘 僧問疎
 山索然便去時如何山云塞却虛空向什麼處去僧
 無對代云什麼處去不得 潭江云天門一合十方
 無路有人道得擺手出潭江師云猶隔海在 老宿

送官次乃云老僧尋常不會行此路官人云尋常行
 什麼路宿無對代云尊官不問老僧不答 施主入
 山行隨年錢僧云聖僧前下一分主云聖僧年多少
 僧無語代云鉢盂無底 僧問古德得般便渡時如
 何德云棹在何人手裏僧無語代云快便難逢 陸
 巨大夫問南泉大悲菩薩何處得許多手眼來泉云
 如國家用大夫作什麼別云隨家豐儉 梁朝藏法
 師令人傳語思大何不下山教化衆生一向目視雲
 漢作什麼大云三世諸佛被我一口吞盡何處更有
 衆生可度代復傳語云勘破了也 雪峯領衆遊天

台至涌泉臨行次泉把住轎云這箇四人昇那箇幾人昇峯云道什麼泉又問峯拍轎云行行別於幾人昇處云莫鈍置我於拍轎處別云客是主人相師僧問雪峯學人未盡其機乞師盡峯良久僧禮拜峯云若到諸方作麼生舉僧云某終不敢錯峯云你未出門早錯了也別於僧云某終不敢錯處云車不橫推 雪峯問投子此間還有人叅否投子擲出鏤峯云恁麼則當處掘去也投云不快漆桶代拈鏤拋向背後 雪峯問投子龍眠路甚處去投以杖拄峯峯云東去西去投云不快漆桶別峯接拄杖便推倒

投子指石頭云三世諸佛總在裏許雪峯云須知有不在裏許者投云不快漆桶別峯云千石頭什麼事南泉歸宗麻谷禮觀國師至中路泉於地畫圓相云道得卽去宗於圓相內坐谷作女人拜泉云恁麼則不去也宗云是何心行別歸宗云賊無種相鼓籠米七師還鄉有老宿問云月夜斷井索時人喚作她未審七師見佛喚作什麼米云若有佛見卽同衆生宿云千年豔核代老宿云洎不問過 大隋問僧什麼處去僧云西山住菴去隋云我向東山喚汝便來得否僧云不然隋云汝住菴未得在代云和尚有

撰述
晏國師赴鼓山辭雪峯次峯云一隻聖箭
子射入九重城裏去也太原孚云未在待某勘過始
得至中路問云什麼處去晏云九重城裏去孚云忽
遇三軍圍閉時如何晏云他家自有通霄路孚云恁
麼則離宮失殿去也晏云何處不稱尊孚回見峯云
聖箭子折子也峯云恁麼處是箭折處孚舉前話峯
云渠有語在孚云這老漢終是鄉情代峯云你要勘
破鼓山已被鼓山勘破 僧到水潦乃畫圓相放潦
肩上潦撥三下却畫圓相指其僧僧禮拜潦打云這
掠虛漢別後語云我不與麼你却與麼棒了趂出

明招問僧側飛鷄子眼落在甚處僧展手云還解變
得麼招云放子三十棒僧云話在和尚招乃集眾勘
辨僧無語招乃打代便擱傍僧 明招叅次乃指座
上回頭獅子云這箇尋常爲什麼要向我恁麼道僧
云什麼劫中向和尚恁麼道招云噫汝猶隔海在代
云我不哮吼和尚拾得口喫飯 雲門問洞山近離
甚處山云查渡門云夏在什麼處山云湖南報慈門
云幾時離彼山云八月二十五門云放你三頓棒山
次日却上問云昨日蒙和尚賜棒且過在什麼處門
云飯袋子江西湖南便恁麼去別後語云緊峭草鞋

雲門問僧甚處來僧云徑山門云你因什麼五戒
不持僧云某甲過在什麼處門云這裏不著沙彌別
云未到雲門與你三十棒了也 雲巖順世道吾問
離却殼漏子向什麼處相見巖云不生不滅處相見
別云三生六十劫 僧問法燈百骸俱潰散一物鎮
長靈未審百骸一物相去多少燈云百骸一物一物
百骸別燈云直是天地懸隔 明招在昭慶席坊打
席慶見招失一目乃問失幾時也招起身叉手云某
甲不會慶云賴汝不會招云和尚作麼生會箇不會
的慶你去別慶云饒你頂門上更著一隻也須歡晴

雪峯云世界闊一尺古鏡闊一尺世界闊一丈古
鏡濶一丈玄沙指火爐云這箇闊多少峯云如古鏡
闊別峯云流俗阿師 劉鐵磨到馮山山云老特牛
汝來也磨云來日臺山有齋和尚還去否山放身作
臥勢代山云好不丈夫 僧問魯祖如何是不言言
祖云汝還有口麼僧云無祖云尋常將什麼喫飯僧
無對代云不曾咬破一粒米 趙州一日從殿上過
乃喚侍者一聲者應諾州云好一殿功德者無對代
云一回拈起一回新

佛日普賢慧辯楚石禪師語錄卷第八

音切

哪

徐唾切

噎

直雙切

鴿

知咸切

巉

土衫切

賺

乍陷切

餵

於爲切

肘

摑

古獲切

戮

丑角切

嘉興沈繼皋施貲刻此
楚石禪師語錄第八卷
州王國英書 金陵劉貴刻
萬曆庚寅秋五臺山妙德菴識

昆明沙彌真玄對

佛日普獎慧辯楚石禪師語錄卷第九
秉拂小叅

侍者

等編

徑山普座寮結夏秉拂師拈拄杖云這箇是徑山拄
杖子爲什麼在琦上座手裏已知來處何假繁詞脫
或未知不免露箇消息凌霄峯頂選佛場開一句當
陽十方坐斷果然坐斷太叅先德不妨禁足護生
後學初機誰敢違條起例上無攀仰下絕已躬人人
常允現前箇箇壁立萬仞三世諸佛舌頭無骨六代
祖師眼上安眉德山見僧入門便捧畫餅克饑臨濟

見僧入門便喝望梅止渴老妙喜見僧入門便道喚作竹篋則觸不喚作竹篋則背不得下語不得無語雕沙無鏤王之譚結草乖道人之意既不得下語又不得無語拈來拗作兩截看他作得箇什麼伎倆廣澤龍王忍俊不禁把須彌山一擱百襍碎踣跳上梵天忒也召衆云且道這一期佛事還有爲人處也無以拄杖連卓三下復舉南嶽讓和尚遣一僧往江西揆馬大師候大師上堂出問云作麼生大師云自從胡亂後三十年不曾少鹽醬師云馬大師道三十年不曾少鹽醬早是費卻多少鹽醬了也我若作馬大

師纔見這僧出來便下禪牀擒住痛與一頓教他歸去舉似南嶽且顯師承有據自家眼目分明管取坐斷天下人舌頭曹溪一脉未致寂寥在

梁王懺會觀藏主請小叅師云只這箇會得在凡不減在聖不增超百千萬億日月光明徧不可思議虛空分劑無一理不顯無一事不周無一物不玄無一土不妙無明卽是佛性煩惱卽是菩提生歿卽是涅槃塵勞卽是解脫譬如虛空體非羣相而不拒彼衆相發揮然而青不自青黃不自黃赤不自赤白不自白但是意識於中搏量是青是黃是赤是白意識不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

起根境湛然水之與波拳之與掌卷舒開合豈有兩般動靜去來曾無二致攪酥酪醍醐為一味鎔餅盤釵釧為一金總陰陽寒暑為一時混江河淮濟為一水一印一切印一門一切門一成一切成一破一切破所以道佛說一切灑為治一切心我無一切心何用一切灑如是則集眾者無眾可集說灑者無灑可說度生者無生可度懺罪者無罪可懺豈不見三祖僧粲大師問二祖云弟子身纏風恙請師懺罪二祖云將罪來與汝懺三祖云覓罪了不可得二祖云與汝懺罪竟諸仁者還委悉麼若不藍田射石虎幾乎

誤殺李將軍

真如華嚴經會鏐維那請小叅師云看經須具看經眼見地須得見地句釋迦老子正覺山前半夜子時明星出現忽然大悟是第二句三乘十二分教權實頓漸半滿偏圓是第三句三世諸佛六代祖師天下老和尚盡力道也只得第三句華嚴會上文殊普賢及四十二位灑身大士五十三位諸善知識各各演說無盡灑門何曾道着第一句來若有一人道得第一句須彌直須粉碎海水直須枯乾十方虛空撲落地上何故如此難信難解之灑今古罕聞諸仁者

還知麼如今目前山河大地萬象森羅草木叢林墻壁瓦礫晝夜說熾然說無間歇却是他說得寃親說者既不開口聽者亦不須耳明明歷歷地沒一絲毫覆藏真經現前多少省力何待拈香展卷方轉濃輪便好向華藏海中左出右入毗盧頂上倒臥橫眠更說什麼菩提涅槃真如解脫一切名字是什麼熱椀鳴聲一切語言是什麼繫驢橛子所以臨濟大師道但有聲名文句皆悉是依變從臍輪氣海中鼓漱牙齒敲磕成其句義明知是幻化外發聲語業內表心所灑以思有念皆是依通只麼認他着底依爲實解

縱經塵劫只是依通我喚作真經亦是假說了也畢竟如何慈舟不汎滄波上劍閣徒勞放木鴉

慧明院華嚴經會椿藏主請小叅師云處處真處處眞塵塵盡是本來人眞實說時聲不現正體堂堂沒卻身諸仁者還見堂堂正體麼乾坤大地日月星辰萬象森羅山林河海人天鬼畜蠢動含靈莫不皆有毗盧遮那宴坐其中成等正覺而爲衆生轉大濃輪然而衆生分上不取一濃不捨一濃所以道一切諸佛身卽是一濃身一心一智慧力無畏亦然不妨各自住境界各各自證解脫各各自作佛事各各自

現神通於眼處現神通時卽於耳處作佛事於耳處
現神通時卽於鼻處作佛事於鼻處現神通時卽於
舌處作佛事於舌處現神通時卽於身處作佛事於
身處現神通時卽於意處作佛事於意處現神通時
卽於一切處作佛事意處無盡則虛空無盡虛空無
盡則世界無盡世界無盡則眾生無盡眾生無盡則
諸佛無盡諸佛無盡則行願無盡行願無盡則不可
說不可說境界解脫神通佛事無盡無盡雖然猶在
濃界量裏量外一句作麼生道還委恁麼山花開似
錦澗水湛如藍

圓明院起期懋藏主請小叅師云永嘉道行亦禪坐
亦禪語默動靜體安然假使鋒刀常坦坦直饒毒藥
也閒閒禪則不無作麼生是體莫是上是天下是地
僧是僧俗是俗是體麼莫是巍巍堂堂煒煒煌煌聲
前非聲色後非色是體麼莫是休去歇去一念萬年
去冷秋秋地去一條白練去古廟香鑪去寒灰枯木
去是體麼莫是恁麼中不恁麼不恁麼中却恁麼是
體麼若與麼搏量正是虛空裏打鐵板莫將閒學解
埋沒祖師心只如坐禪須是了卻自己偷心始得若
不了却自己偷心空坐何益且阿那箇是偷心但是

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

法苑珠林卷九

五

一切不了念起念滅總是偷心成得偷心便與佛祖
不別佛祖要人速證無上妙道長期短期尅期取證
畢竟所證何事只教你成盡偷心頓明自性而已於
靜坐時須有方便六祖大師道不思善不思惡正與
麼時作麼生是本來面目諸仁者現今目前露迥迥
地是箇什麼自己本來面目不可就他覓也就他覓
得不是自己從生至老着衣喫飯屙屎送尿底喚作
臭皮袋忽然報滿四大分散時自己本來面目卻在
什麼處石頭和尚道欲識菴中不成人豈離而今這
皮袋叅

坐期滿散盛監院請小叅師云大道絕言詮真機無
背面纖塵不盡突出須彌山見地未忘脚下五色索
將知此事本自現成不用低頭思量難得所以德山
道毫釐繫念三塗業因瞥爾情生萬劫羈鎖豈可坐
在這裏直須轉向那邊更那邊不立佛不立祖自己
如生冤家方有些子衲僧氣息若只向千聖背後叉
手堪作什麼倚他門戶傍他墻剛被時人喚作郎巖
頭道是我向前行脚時見一兩處尊宿只教日夜管
帶坐得臀上生胝口裏水漉漉地道我坐禪守取與
麼時猶有欲在無依無欲便是能仁諸仁者如今學

支那

法苑珠林卷九

五

道之人那箇無依那箇無欲有依有欲生歿海裏浮沈這老古錐當會昌沙汰時去下鄂湖邊作一渡子兩岸各挂一版有人過渡敲版一聲問云阿誰人云我要過那邊去舞棹迎之一日有婆子抱一孩兒問巖頭道且道婆子手中兒子從甚處得來巖頭便打婆云婆生七子六箇不遇知音只這一箇也不消得乃拋向水中雪後始知松栢操事難方見丈夫心雖然切不得認驢鞍橋作阿爺下頷喝一喝

薦盛南山師孫義方外請小叅師云這一段事近在口皮邊遠在河沙國不可以有無卜度不可以難易

論量滯於文字語言則爲文字語言所縛泥於蒲團禪版則爲蒲團禪板所拘凡坐禪者多不脫透若不著有卽便着無著有則以無除之着無作麼生除得欲與空王爲弟子莫教心病難醫據實而論釋迦出世達磨西來歷代傳燈無風起浪忽然覷破三界平沈却來觀世間猶如夢中事到這箇田地方始好坐禪坐是何人禪是何物勘破了也說有也得說無也得說難也得說易也得得也得不得也得生從何來鐵鋸舞三臺歿從何去牛皮鞮露柱管日太原字上座問鼓山父母未生以前鼻孔在什麼處山云卽

今生也在什麼處乎上座不肯乃云你問我我與你道山云父母未生以前鼻孔在什麼處乎但搖扇而已我當時若作鼓山與他掀倒禪牀見之不思思之千里諸仁者要識南山鼻孔落處麼良久犀因翫月生角象被雷驚花入牙

無學長老豫修徒弟固維那請小叅師云佛灑本無玄妙解會向道直下無事休去歇去好箇脫洒衲僧若亂踏步向前則千里萬里若論此事從與麼來未嘗昏昧聲色籠罩不住生次繫縛不得自由自在無得無失一切處解脫一切處圓滿淨徧絕承當赤

灑灑沒可把穿却天下人鼻孔全憑箇一着子若無箇一着子老胡又特地西來做什麼且如石頭馬祖百丈黃檗臨濟德山爲仰曹洞雲門灑眼此等皆是從上宗師亦不得至今日所謂坐釣四海只釣獐龍格外玄談爲尋知已豈不見仰山一日問同叅云師弟近日見處如何對云實無一灑可當情仰云汝解猶在境問云何故仰云汝豈無能知一灑可當情者圓悟老祖云他直得無一灑可當情尚遭仰山點檢到這裏無能知所知無一灑無無一灑也須是箇人始得欲窮千里目更上一層樓須知得底人一語不

虛發如今不用回頭轉腦只貴直下承當可以作奇特因可以現殊勝相竭苦海摧障山斷生死根源碎無明窠曰正與麼時因齋慶贊一句作麼生道域中日月縱橫挂一亘晴空萬古春

興化院華嚴經會圭監院請小叅師云懷州牛喫禾益州馬腹脹天下覓鑿人灸猪左膊上毗盧遮那如來呵呵大笑云二十重華藏世界海中毗盧遮那如來呵呵大笑云二十重華藏世界海中所有諸佛菩薩畜生牛馬被杜順和尚下這一灸不妨應時應節徹骨徹髓了也召衆云且道適來四句是教耶是禪耶若道是教八十一卷華嚴經那一卷中有這般

說話若道是禪杜順和尚自是賢首宗師爲什麼却恁地說還有人定當得出也無若定當不出山僧不憍口業與諸人註解一徧肇灑師道古鏡奩精其精自形古鏡奩心其心自明教亦何曾異禪歸宗和尚云吾今欲說禪諸子總近前汝聽觀音行善應諸方所禪亦何曾異教教是佛口禪是佛心未了之人聽一言只這如今誰動口便向箇裡會得坐斷天下人舌頭更分什麼禪揀什麼教立也在我掃也在我我爲灑王於灑自在若立去有禪有教若掃去禪教皆除禪教既除二十重華藏世界海在什麼處安着聽

吾偈曰如行東方諸佛刹盡取大地及須彌一一盡
抹爲微塵一一塵點一一刹四維上下亦如是乃至
克滿虛空界卽以如上諸塵數一一化現爲衲僧一
一僧示塵數身一一僧具塵數口一一口中塵數舌
一一舌宣塵數義盡於未來一一劫度脫不可說衆
生一一位登盧舍那不可說劫常開演如此功德不
可說世間無能測量者譬如幻師歌幻衆復爲幻衆
說幻瀆聞幻瀆已了幻心旣了幻心圓幻行坐幻道
場成幻佛度脫無量幻衆生展轉成佛亦復然畢竟
不離於幻瀆本來實際常寂滅同彼虛空無增減若

能悟此真瀆界誰是成佛不成佛毗盧遮那我同證
普賢文殊妙瀆身五十三人善知識爲我印知如是
說

延福院懺期滿敬維那請小叅師云一念普觀無量
幼無去無來亦無住如是了知三世事超諸方便成
十力拈拂子作一圓相云盡十方世界有情無情向
這裏成等正覺全心卽佛全佛卽心窮心旣無佛亦
不立所以道了了見無一物亦無人亦無佛大千沙
界海中漚一切聖賢如電拂與麼則處處解脫而不
墮在解脫深坑處處光明而不滯於光明勝相行住

撰述
卷九
十一
坐臥不著管帶而常歷歷惺惺長短方圓不假安排而能綿綿密密終日說不動舌頭終日默不居陰界終日喫飯不曾咬一粒米終日着私不曾挂一縷絲直下似長劍倚天千日竝照諸天捧花無路外道窺覷無門不是強爲灑如是故在菩薩則謂之六度萬行在聲聞緣覺則謂之四諦十二因緣在天則天莊嚴在人則人富樂在修羅則修羅滅諍在餓鬼則餓鬼除饑在地獄則地獄清涼在旁生則旁生黠慧福無不集罪無不消拔濟四生梯航九有收因結果一句作麼生道煩惱海中爲雨露無名山上作雲雷

志侍者請普說師云當人脚根下一段大事如千日竝出日上無雲萬鏡臨臺鏡中無像初不分真俗好醜亦不帶物我是非從父母未生已前至地水火風分散之後未曾有纖毫相貌及一絲間隔蓋天蓋地亘古亘今乃佛乃祖同證同入如石室和尚纔見人來便拈起拄杖云過去諸佛也恁麼現在諸佛也恁麼未來諸佛也恁麼如是三十年驢揀濕處尿一日長沙岑大蟲向他道和尚放下手中拄杖別通箇消息來石室休去一不成二不是又踈山示衆云老僧咸通年已前會得灑身邊事咸通年已後會得灑身

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

向上事兩重公案雲門出問云如何是灑身邊事山云枯椿錯門云如何是灑身向上事山云非枯椿了門云還許學人說道理也無山云許勾賊破家門云只如枯椿豈不是明灑身邊事山云是明破則不堪門云非枯椿豈不是明灑身向上事山云是落七落八門云灑身邊事還該一切也無山云灑身周徧豈得不該口只好吃飯門指淨瓶云這箇還有灑身也無山云闍黎莫向淨瓶邊會鷄子過新羅二大老一問一答直是風凜凜地傍觀只取得眼你道枯椿與非枯椿灑身邊事與灑身向上事作麼生辨若辨得便知

二大老問答分明若辨不得對面三千里又僧問趙州未生世界早有此性世界壞時此性不壞如何是不壞之性州云四大五蘊甘草甜僧云這箇是壞底如何是不壞之性州云四大五蘊黃連苦還知趙州老漢舌頭落處麼盡山河大地是四大五蘊盡山河大地是不壞之性若未知趙州老漢舌頭落處則四大五蘊自在一邊不壞之性自在一邊驢年得休歇去拈拄杖畫一畫云畫斷葛藤蝦蟇踣跳上天蚯蚓抹過東海

海印蘭若華嚴經會華月窓請普說師云震灑雷擊

檀鼓布慈雲兮灑甘露只如灑雷未震灑鼓未擊慈雲未布甘露未灑還有爲人道理也無若有爲人道理何用強生節目是故說灑者無說無示聞灑者無聞無得無說無示真說真示無聞無得真聞真得然則一時佛事旣已周圓汝等諸人如何體悉依希似曲纔堪聽又被風吹別調中復云此是月窓藏主建華嚴經會底意旨山僧未免陞座舉揚約山僧見處你諸人卽是毗盧遮那毗盧遮那與你諸人無二無別念念中有無量諸佛降生成道轉灑輸入涅槃念念中文殊普賢觀音彌勒出現念念中善財童子五

十三善知識同因同果同學同行山僧今日都將不可說華藏世界海拈來着你諸人眉毛眼睫上却把大本華嚴三千大千世界微塵數品一四天下微塵數偈總作一句頓在三寸舌頭爲你諸人一時吐露直下信得及去此會功不浪施便乃與摩竭提國須彌山頂夜摩兜率他化自在所說底灑門十信十住十行十回向十地等妙二覺不增一字不減一字普請若凡若聖若幽若顯立地成佛還省力麼若信不及又增口業去也經中道若人欲了知三世一切佛應觀灑界性一切惟心造喝一喝云覓心了不可

得更說什麼惟心心既不可得毗盧遮那亦不可得
無量諸佛亦不可得文殊普賢觀音彌勒亦不可得
善財童子五十三善知識亦不可得十信十住十行
十回向十地等妙二覺亦不可得不可得亦不可得
却從不可得中流出一切言教所以道教是佛語禪
是佛意誦佛語者須識佛意識佛意者必通佛語千
差萬別七縱八橫辯才無礙底說禪說教如珠走盤
你看他華嚴下尊宿圭峯和尚他是真箇悟得底曾
著禪源集和會禪講兩家云諸祖相承根本是佛況
迦葉乃至毘多弘傳皆通三藏提多迦以下因僧乖

諍乃律教別行罽賓國以來因遭王難始經論分化
師子尊者受二十三祖鶴勒那懸記先以衣灑付囑
婆舍斯多獨留罽賓酬償宿債經論家便道師子遭
難禪宗絕而不傳不知婆舍斯多早傳衣灑去了所
以圭峯說到這裏又云中間馬鳴龍樹悉是祖師造
論釋經數十萬偈觀風化物無定事儀未有講者毀
禪禪者毀講今時弟子彼此迷源修心者以經論爲
別宗講說者以禪門爲異瀆若談因果修證便推屬
經論之家而不知修證正是禪門之本事聞說卽心
卽佛便推屬留襟之禪而不知心佛乃是經論之本

意山僧三十年前出世住院見天台講人心憤憤口悻悻說着禪字頭紅面赤何消得如此近與獨芳和尚幾處赴緣又夜來聞其提唱多是禪門說話蓋此老本領端正取之左右逢其源且如圭峯所詮自是禪門標表亦是教乘骨髓恁麼和會可煞明白後來汴梁有箇淨因成長老一日與灋真圓悟慈受三大禪老并十大灋師在陳太尉府受齋次徽宗皇帝微服臨幸觀其灋會有善華嚴者對眾問曰吾佛說教自小乘至圓頓掃除空有獨證真常然後萬德莊嚴方名爲佛禪師一喝轉凡成聖與經論似相違背

今一喝若能入五教是爲正說若不能入是爲邪說他置箇問頭不是逞人我爭是非要知禪教分曉若不通經達論如何胡亂答他撞着淨因是箇有地頭無面目漢回天輪轉地軸不爲難只怕你不問不怕我答不得當時善華嚴恁麼問正是抓着他痒處更不着忙欸欸地向他道如灋師所問不足三大禪師之酬淨因小長老足以解灋師之惑乃召善善應諾成曰灋師所謂小乘教者乃有義也大乘始教者乃空義也大乘終教者乃不有空義也大乘頓教者乃卽有卽空義也一乘圓教者乃不空而不有不有

而不空義也如我一喝非惟能入五教至於百工伎藝諸子百家悉皆能入乃喝一喝問善曰還聞麼善曰聞成曰汝旣聞則此一喝是有能入小乘教須臾又謂善曰還聞麼善曰不聞成曰汝旣不聞則此一喝是無能入始教又顧善曰我初一喝汝卽道有喝久聲消汝復道無道無則元初實有道有則於今實無不有不無能入終教又曰我有一喝之時有非是有因無故有我無一喝之時無非是無因有故無卽有卽無能入頓教又曰我此一喝不作一喝用有無不及情解俱忘道有之時纖塵不立道無之時橫徧

虛空卽此一喝入百千萬億喝百千萬億喝入此一喝是能入圓教善不覺起立向前作禮成又曰非惟一喝爲然乃至語默動靜一切時一切處一切物一切事契理契機周徧無餘於是四衆歡喜龍顏大悅淨因可謂識佛意通佛語千差萬別七縱八橫辯才無礙把這一喝恁麼說出來理上也着事上也着禪上也着教上也着喚作鬧市裡颺碌磚無有不着者今日一會却非偶然建會華月窻與學般若菩薩旣在禪門又通教相欲報佛恩德無過流通正蘊而況獨芳和尚久專講席特重禪宗山僧此來不勝慶幸

因華嚴大教發明臨濟禪諸供養中灑供養最喝一喝云且道山僧適來一喝與淨因一喝相去多少復喝一喝

珠維那請普說師云妙喜老人道命根斷家活大灑性寬波瀾潤乃是禪病科立效散你諸人要識命根麼只是第八識如今禪和子病痛昏沈掉舉總在第八識中若要獨脫無依須是把第八識一刀兩段方始快活教中所謂拚命不效難僧問投子大死底人却活時如何投子云不許夜行投明須到這僧問得既切投子答得又親伯牙與子期不是閒相識第八

識既斷蛇無頭尾不行正賊斬了論什麼賊黨無始至今來爲先鋒去爲殿後風動塵起縈絆殺人但得一念不生自然前後際斷便見爲山道靈光洞耀迥脫根塵體露真常不拘文字心性無染本自圓成但離妄緣卽如如佛僧也如如佛俗也如如佛來也如如佛去也如如佛盡十方世界無一人不是如如佛者嫌箇什麼欠少箇什麼英靈衲子便好向這裏全身擔荷不用回頭轉腦特地起疑疑佛疑祖疑死疑生如染一縵絲一染一切染如斬一縵絲一斬一切斬先聖苦口相勸蓋爲袈裟同扇已事明白他事亦

明白已事了辦他事亦了辦豈可如獐獨跳不顧後
 羣既住佛屋踏佛地喫佛飯著佛衣須行佛行始得
 且如何是佛行佛讚者是佛行佛訶者是魔灑說什
 麼尼薩耆波逸提纔舉心動念早破了也大難大難
 且怖心難發怖心若發生茲根本必除須要入門一
 着真正欲行千里一步為初管日南嶽讓祖因馬大
 師坐禪一日問他道大德坐禪圖什麼師云圖作佛
 祖遂將磚就他菴前石上磨師見問云作什麼祖曰
 磨作鏡師云磨磚豈得成鏡祖曰坐禪豈得成佛師
 云如何即是祖曰如牛駕車車若不行打車即是打

牛即是馬師休去祖曰汝學坐禪為學坐佛若學坐
 禪禪非坐臥若學坐佛佛非定相於無住相不應取
 捨汝若坐佛即是殺佛若執坐相非達其理馬師言
 下大悟作禮問云如何用心即合無相三昧讓祖曰
 汝學心地灑門如下種子我說灑要譬彼天澤汝緣
 合故當見其道師曰云何能見祖曰心地灑眼能見
 乎道無相三昧亦復然矣師又問有成壞否祖曰若
 以成壞而見道者非也後來馬大師出世有僧問如
 何是修道答曰道不屬修若言修得修成還壞即同
 聲聞若言不修即同凡夫僧云作何見解即得修道

師曰是性本來具足但於善惡中事不滯喚作修道人取善捨惡觀空入定卽屬造作更若向外馳求轉踈轉遠但盡三界心量一念妄心卽是三界生處根本又僧問和尚爲什麼說卽心卽佛曰爲止小兒啼僧曰啼止後如何曰非心非佛僧曰除此二種人來時如何指示曰向伊道不是物馬大師因讓祖一言之下會去便力荷百二十觔擔子一氣走百二十里更不回頭及乎爲人拈出箇卽心卽佛非心非佛不是物殺人刀活人劍能斷自己命根又能斷他命根臨濟道沿流不止問如何真契無邊說似他離相離

名人不稟吹毛用了急須磨卽今吹毛在什麼處已颺在垃圾堆頭了也

佛日普契慧辯楚石禪師語錄卷第九

音切

踴跳土蒲汲切 銜蒲丁切 礫力的切 概渠月切 磕苦闔切 湫

卽由匹列切 漉居宜切 髻徒昆切 胈竹尼切 鄂五各切

疇乃庚切 膊普各切 覷七據切 椿陟江切 鷄以照切 蝦蟇上加切

下莫加切 蚯蚓上丘音下 罽居厲切 憤排上扶粉切 抓加切

痒於兩切 颺式尚切 碌力木切 絆補畔切 緘力計切 獐章切

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

秀水黃正憲施贊刻此
楚石禪師語錄第九卷
昆明沙彌真玄對

州王國英書
進賢洪謀刻
萬曆庚寅秋五臺山妙德菴識

唱由 替

寶瓶 平式
土蕭文

音

將日普與慧辯楚

飄其並其靴更了

各人不稟也手用

佛日普與慧辯楚石禪師語錄卷第十

舉古上

侍者明遠等編

舉雲門一日拈拄杖云凡夫實謂之有二乘析謂之無緣覺謂之幻有菩薩當體卽空衲僧見拄杖但喚作拄杖行但行坐但坐總不得動着妙喜云我不似雲門老人將虛空剗窟寵驀拈拄杖云拄杖子不屬有不屬無不屬幻不屬空卓一下云凡夫二乘緣覺菩薩盡向這裏各隨根性悉得受用惟於衲僧分上爲害爲冤要行不得行要坐不得坐進一步則被拄

撰述
杖子迷却路頭退一步則被拄杖子穿却鼻孔只今
莫有不甘底麼試出來與拄杖子相見如無來年更
有新條在惱亂春風卒未休師云凡夫不合起有見
二乘不合起無見緣覺不合起幻有見菩薩不合起
當體卽空見不可放過雲門老漢貪觀白浪失却手
撓累他天下衲僧總落拄杖圈積放過不可好與一
坑埋却

舉僧問香巖如何是道巖云枯木裏龍吟僧云如何
是道中人巖云髑髏裏眼睛僧又問石霜如何是枯
木裏龍吟霜云猶帶喜在如何是髑髏裏眼睛霜云

猶帶識在又問曹山如何是枯木裏龍吟山云血脉
不斷如何是髑髏裏眼睛山云乾不盡遂有頌云枯
木龍吟真見道髑髏無識眼初明喜識盡時消息盡
當人那辨濁中清圓悟老人云一人透語滲漏一人
透情滲漏一人透見滲漏妙喜云諸人還揀得出麼
若揀不出不憎眉毛爲諸人說破香巖透語滲漏被
語言縛殺石霜透情滲漏被情識使殺曹山透見滲
漏被見聞覺知惑殺分明說了具眼者辨取師云妙
喜老人全身坐在三種滲漏裏却不被三種滲漏所
拘雖然要見古人直是遠在爲什麼如此無事教壞

人家男女

舉提婆達多在地獄中世尊令阿難傳問云汝在地獄中可忍受否云我雖在地獄中如三禪天樂世尊又令阿難傳問你還求出否云待世尊入地獄我卽出阿難云世尊是三界大師豈有入地獄分云世尊旣無入地獄分我豈有出地獄分妙喜云旣無出分又無入分喚什麼作釋迦老子喚什麼作提婆達多喚什麼作地獄還委麼自攜瓶去沽村酒却着衫來作主人師云妙喜與麼批判刁刀相似魚魯差殊不知釋迦老子自是釋迦老子提婆達多自是提婆

達多地獄自是地獄料掉沒交涉一夜落花雨滿城

流水香

舉招慶問羅山有人問巖頭塵中如何辨主頭云銅沙羅裏滿盛油意作麼生山召大師慶應諾山云獼猴入道場山却問明招或有人問你作麼生招云箭穿紅日影妙喜云還會麼獼猴入道場箭穿紅日影兩箇老古錐擔雪共填井喝一喝師云我當時若作羅山待招慶問銅沙羅裏滿盛油意作麼生便喝山却問明招或有人問你作麼生也與一喝召衆云且道天寧兩喝與妙喜一喝是同是別

舉招慶普請擔泥次中路按拄杖問僧云上窟泥下窟泥僧云上窟泥慶打一棒又問一僧上窟泥下窟泥僧云下窟泥慶亦打一棒又問明招招放下泥擔叉手云請師鑑慶便休妙喜云招慶雖然休去爭奈明招不甘雲門當時若見他放下泥擔云請師鑑勞脊也與一棒看他如何折合師云國清才子貴家富小兒驕

舉睦州問僧近離甚處僧云河北州云河北有箇趙州和尚上座曾到彼麼僧云某甲近離彼中州云趙州有何言句示徒僧遂舉喫茶話州乃云慚愧却問僧趙州意作麼生僧云只是一期方便州云苦哉趙州被你將一杓屎潑了也便打後來雪竇云這僧克由耐將一杓屎潑他二員古佛妙喜云雪竇只知一杓屎潑他趙睦二州殊不知這僧未上被趙州將一杓屎潑了却到睦州又遭一杓只是不知氣息若知氣息甚麼處有二員古佛師云這僧不會喫茶意旨不知潑屎氣息帶累好人墮屎坑中合喫多少拄杖雪竇妙喜一時放過也須替他入涅槃堂始得舉僧問雲門如何是超佛越祖之談門云胡餅妙喜云雲門直是好一枚胡餅要且無超佛越祖底道理

師云聖

舉洞山云須知有佛向上事僧問如何是佛向上事
山云非佛雲門云名不得狀不得所以非妙喜云二
尊宿恁麼提持佛向上事且緩緩這裏卽不然如何
是佛向上事拽拄杖劈脊便打免教伊在佛向上躲
根師云我這裏無向上向下佛是西天老比丘今朝
有酒今朝醉明日無錢明日求

舉石門聰和尚云十五日已前諸佛生十五日已後
諸佛滅十五日已前諸佛生你不得離我這裏若離
我這裏我有鈎鈎你十五日已後諸佛滅你不得住

我這裏若住我這裏我有錐錐你且道正當十五日
用鈎卽是用錐卽是遂有頌云正當十五日鈎錐一
時息更擬問如何回頭日又出妙喜云恢張三玄三
要扶豎臨濟正宗須是恁麼人始得雖然如是雲門
卽不然十五日已前諸佛本不曾生十五日已後諸
佛本不曾滅十五日已前你若離我這裏我也不用
鈎鈎你一任橫擔拄杖緊峭草鞋十五日已後你若
住我這裏我也不用錐錐你一任拘折拄杖高挂鉢
囊且道正當十五日合作麼生乃云十五日前後鈎
錐徒爾爲今朝是十五正好用鈎錐且作麼生用路

逢叻蚰莫打殺無底籃子盛將歸師云用盡自己心
笑破他人口

舉白雲祥和尚問僧不壞假名而談實相作麼生僧
云這箇是椅子白雲以手撥云將鞋袋來僧無對白
雲云這處頭漢雲門聞云須是祥兄始得妙喜云雲
門扶強不扶弱爭奈憐兒不覺醜這僧當時若是箇
漢待他道將鞋袋來便與掀倒禪牀直饒白雲牙如
劍樹口似血盆也分踈不下師拈起拄杖云這箇是
假名那箇是實相這箇是實相那箇是假名一不是
二不成路遠夜長休把火大家吹殺暗中行擲拄杖

舉石頭問長髭甚處來髭云嶺南來頭云大庾嶺頭
一鋪功德成就也未髭云成就久矣只欠點眼在頭
云莫要點眼麼髭云便請頭垂下一足髭便禮拜頭
云子見箇什麼便禮拜髭云如紅鑪上一點雪妙喜
云衆中商量甚多或云無眼功德有甚點處或云莫
要點眼麼待他道便請好劈脊便打若恁麼未免穢
汚這功德雲門卽不然待這老漢坐下一足但道起
動和尚師云長髭親從大庾嶺來平白被石頭熱謾
一上見箇什麼便問一鋪功德成就也未虛空裏釘
橛又有長髭把不定便道成就久矣只欠點眼在一

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

美石齋錄卷一

九

盲引衆盲石頭坐下一足還當得點眼也無一箇既不惺惺兩箇更是懣懣如紅爐上一點雪果然諸人切忌接響承虛脫空妄語

舉王大王向雪峯會裏請晏監寺住鼓山雪峯與孚上座送出門回至灑堂上乃曰一隻聖箭直射入九重城裏去也孚云和尚是伊未在峯曰渠是徹底人孚云若不信待某甲去勘過遂往路中把住云師兄向甚麼處去鼓山云九重城裏去孚云忽遇三軍圍閉時如何山云他家自有通霄路孚云恁麼則離宮失殿去也山云何處不稱尊孚便回謂雪峯云好一

隻聖箭折却也遂舉前話峯云渠有語在孚云這老凍膿畢竟有鄉情在妙喜云衆中商量道什麼處是聖箭折處云鼓山不合答他話是聖箭折處鼓山不合說道理是聖箭折處恁麼批判非惟不識鼓山亦乃不識孚老殊不知孚上座正是一枚賊漢於鼓山面前納一場敗闕懣懣而歸却來雪峯處拔本大似屋裏販揚州若非雪峯有大人相這賊向甚處容身當時可惜放過却成箇不了底公案只今莫有爲古人出氣底麼試出來我要問你甚麼處是聖箭折處師云鼓山聖箭子射入九重城甚生氣槩孚上座等

支那

五言詩錄卷一

七

閒揆着略露鋒鋌回至灑堂却云箭折誣人之罪以罪加之妙喜老人謂孚上座是一枚賊漢向鼓山面前納敗闕而歸騎賊馬殺賊大凡事不孤起當時雪峯只因賣弄這一隻聖箭子勾賊破家若也咬定牙關誰敢無風起浪便是盡大地稻麻竹葦化作衲僧要勘鼓山也無啓口處天寧不是貶剝古人聖箭子是什麼廁草莖拋向垃圾堆頭着更問他折處且莫尿涕好

舉明招向火次僧忽問目前無灑意在目前不是目前灑非耳目之所到未審此四句那句是賓那句是主明招撥開火云你向這裏與我拈出一莖眉毛看僧云非但某甲盡大地人喪身失命招云何故自把髻投衙妙喜云這僧有頭無尾明招有尾無頭若人道得頭尾圓全句雲門與你拄杖子師云不解拈出火裏眉毛未知四句中那一句是賓那一句是主妙喜道這僧有頭無尾明招有尾無頭直饒妙喜道得頭尾圓全句天寧拄杖子未放伊在

舉南泉坐次一僧問訊叉手而立泉云太俗生僧合掌泉云太僧生僧無語妙喜云合掌太僧生叉手又俗氣總不恁麼時尊體無頓處有巴鼻噉蘇嚙蘇嚙

悉喇悉喇喝一喝云是甚麼近來王令稍嚴不許攙
行奪市師云义手太俗合掌太僧不僧不俗誰敢安
名檢點將來也是塚生招箭且道落在這僧分上落
在南泉分上

舉麻谷持錫到章敬遶禪牀三匝振錫一下卓然而
立妙喜云純鋼打就生鐵鑄成敬云是是妙喜云錦
上鋪花三五重谷又持錫到南泉遶禪牀三匝振錫
一下卓然而立妙喜云已納敗闕了也泉云不是不
是妙喜云枷上更着扭谷云章敬道是和尚爲什麼
道不是妙喜云愁人莫向愁人說泉云章敬則是是

汝不是此是風力所轉終成敗壞妙喜云試把火契
看南泉面皮厚多少復召大眾云雲門恁麼批判且
道肯他不肯他師云麻谷遶牀振錫叅禮當儀爲什
麼章敬道是南泉道不是苦瓠連根苦甜瓜徹蒂甜
舉讓和尚遣僧問馬祖云作麼生祖云自從胡亂後
三十年不曾少鹽醬妙喜云雲門卽不然夜夢不祥
書門大吉師云且道妙喜與馬祖是同是別如何黑
漆屏風上更寫盧仝月蝕詩

舉僧問雲峯如何是心地瀆門峯云不從人得僧云
不從人得時如何峯云此去衡陽不遠妙喜云雲門

卽不然如何是心地灑門不從人得不從人得時如何看脚下師云或問天寧如何是心地灑門不從人得不從人得時如何早晨有粥齋時有飯

舉僧問巖頭三界競起時如何頭云坐却着僧云未審師意如何頭云移取廬山來卽向汝道妙喜云巖頭古佛向萬仞崖頭坐手鑊湯鑪炭裏橫身蓋爲慈悲之故有落草之談今日若有人問雲門三界競起時如何只向他道快便難逢未審師意如何移取雲門山來卽向汝道師云三界競起巖頭道坐却着見怪不怪其怪自壞妙喜道快便難逢順水流舟更加

檣棹天寧道在什麼處長安甚開我國晏然未審師意如何待我上山斫棒來却向汝道三段不同收歸上科

舉僧問五祖如何是佛祖云露胷跣足如何是灑云大赦不放如何是僧云釣魚舡上謝三郎妙喜云此三轉語一轉具三玄三要四料揀四賓主洞山五位雲門三句百千灑門無量妙義若人揀得許你具一隻眼師云三玄三要四料揀四賓主洞山五位雲門三句百千灑門無量妙義大似頭上安頭天寧今日爲你諸人抽却釘拔却楔做箇洒洒落落地丈夫兒

豈不好何故喫他殘羹餽飯隨他脚後跟轉被他喚作無地頭漢慚惶殺人

舉僧問雲門如何是道門云透出一字妙喜云透出一字却不相似急轉頭來張三李四師云天寧作麼生拈拄杖擊禪牀云泊合停囚長智

舉敎中道生滅滅已寂滅現前妙喜云真生無可生真滅無可滅寂滅忽見前蝦蟇吞却月師云寂滅不現前心心生與滅龜毛扇子扇泥牛一點血

舉僧問趙州百骸俱潰散一物鎮長靈時如何州云今朝又風起妙喜云今朝又風起鬧處莫插嘴觸着閻羅王帶累陰司鬼師云天寧下箇注脚也要醉後添杯今朝又風起不必更疑猜就地撥將黃葉去入山推出白雲來

舉法眼問覺鐵背近離甚處覺云趙州眼云承聞趙州有栢樹子話是否覺云無眼云往來皆謂僧問如何是祖師西來意州云庭前栢樹子上座何得道無覺云先師實無此語和尚莫謗先師好妙喜云若道有此語蹉過覺鐵背若道無此語又蹉過法眼若道兩邊都不涉又蹉過趙州直饒總不恁麼別有透脫一路入地獄如箭射畢竟如何舉起拂子云還見古

人麼喝一喝師云祖師西來意庭前栢樹子此話已徧行天下了也因甚麼覺鐵觜却道先師無此語衆中往往商量趙州只是一期方便不可作實解所以道無與麼亂統謗他古佛不少妙喜云若道有此語蹉過覺鐵觜若道無此語又蹉過法眼若道兩邊俱不涉又蹉過趙州今日煙波無可釣不須新月更爲鈎

舉青原思和尚問六祖當何所務卽不落階級祖云汝曾作什麼來思云聖諦亦不爲祖云落何階級思云聖諦尚不爲何階級之有祖深器之妙喜云莫將閑話爲閑話往往事從閑話生師云弄泥團漢有什麼限

舉龐居士問靈照女明明百草頭明明祖師意作麼生會照云這老漢頭白齒黃作這箇見解居士云你作麼生照云明明百草頭明明祖師意妙喜云龐居士先行不到靈照女末後太過直饒齊行齊到若到雲門一坑埋却且道過在什麼處明明百草頭明明祖師意師云明明百草頭明明祖師意龐公只解拋磚靈照何曾瞥地從教千古萬古黑漫漫填溝塞壑没人會

舉雲門云百草頭上道將一句來衆無語自代云俱
 圓悟老人云割妙喜云普復云俱割普日輪午李將
 軍射石虎雖然透過那邊枉發千鈞之弩師云雲門
 俱少實多虛圓悟割了無交涉妙喜普直須薦取這
 三箇漢各立生涯搖頭擺尾到處逢他深山藏獨虎
 淺草露羣地

舉僧問趙州四山相逼時如何州云無路是趙州妙
 喜云無路是趙州老將足機籌關南弁塞北當下一
 時收師云四山相逼時無路趙州老黃葉落紛紛一
 任秋風掃

舉裴相國入寺見壁間畫像問院主云壁間是甚麼
 主云高僧裴云形儀可觀高僧在甚麼處主無語裴
 云這裡莫有禪僧麼時昔檠在衆主云有一希運上
 座頗似禪僧裴遂召黃檠舉前語似之檠云但請問
 來裴云儀形可觀高僧在甚麼處檠召相公公應諾
 檠云在甚麼處裴於言下領旨妙喜云裴公將錯就
 錯脫盡根塵黃檠信口垂慈不費心力似地檠山不
 知山之孤峻如石含玉不知玉之無瑕雖然如是黃
 檠只有殺人刀且無活人劍今日大資相公或問雲
 門形儀可觀高僧在甚麼處雲門亦召云相公相公

撰述
卷之九
若應諾雲門卽向道今日堂中特謝供養師云裴相
國道高僧在甚麼處分明換却眼睛黃檗更召相公
剛把鉢盂安柄老妙喜與人錯下注脚便道似地紫
山不知山之孤峻如石含玉不知玉之無瑕蹉過了
也天寧卽不然亦召相公相公應諾劈脊便棒免教
這漢向灰水裏淹殺

舉僧問趙州如何是祖師西來意州云庭前栢樹子
僧云和尚莫將境示人州云我不將境示人僧云如
何是祖師西來意州云庭前栢樹子妙喜云庭前栢
樹子今日重新舉打破趙州關特地尋言語既是打

破關爲什麼却尋言語當初將謂茅長短燒了元來
地不平師云庭前栢樹子天下杜禪和只管尋枝葉
還曾夢見麼四海幸然清似鏡莫來平地起風波

舉裴相國捧一尊像胡跪於黃檗前云請師安名檗
云裴休裴應諾檗云與汝安名竟裴作禮云謝師安
名妙喜云裴公黃檗可謂如水入水似金博金雖然
如是檢點將來不無滲漏今日蔡中郎或捧一尊像
請雲門安名卽向道清淨法身毗盧遮那佛若云謝
師安名卽向道下坡不走快便難逢師云裴公捧像
黃檗安名冷地看來如大家教新婦相似直是好笑

笑須三十年妙喜既不能坐斷未免隨例顛倒喚作
清淨灑身毗盧遮那佛周人以栢殷人以栗

舉外道問佛不問有言不問無言世尊良久外道讚
嘆云世尊大慈大悲開我迷雲令我得入外道去後
阿難問佛外道有何所證而言得入世尊云如世良
馬見鞭影而行雪竇云邪正不分過由鞭影妙喜云
邪正兩分正由鞭影師云欲識邪正不分麼誰是外
道誰是世尊欲識邪正兩分麼世尊自世尊外道自
外道此是天寧見處一任諸方貶剝

舉僧問趙州如何是趙州州云東門南門西門北門
僧云不問這箇州云你問趙州響妙喜云這僧問趙
州趙州答趙州得人一馬還人一牛人平不語水平
不流會麼受恩深處空先退得意濃時便好休師云
儘這僧神通跳趙州關不過大丈夫漢當衆決擇未
到弓折箭盡即便拱手歸降何不着一轉語教他納
欵去且道着得箇什麼語

舉僧問長沙南泉遷化向甚麼處去沙云東家作驢
西家作馬僧云未審意旨如何沙云要騎便騎要下
便下妙喜云今日或有人問雲門圓悟老人遷化向
甚麼處去卽向他道入阿鼻大地獄去也未審意旨

如何飲洋銅汁吞熱鐵圓或問還救得也無云救不得爲什麼救不得是這老漢家常茶飯師云若欲報德酬恩須是長沙妙喜忤逆兒孫始得雖然珊胡枕上兩行淚半是思君半恨君

舉百丈凡叅次有一老人常隨衆聽灑衆人退老人亦退忽一日不退丈遂問面前立者復是何人老人云某甲非人也於過去迦葉佛時曾住此山因學人問大修行底人還落因果也無對云不落因果五百生墮野狐身今請和尚代一轉語貴脫野狐身老人遂問大修行底人還落因果也無丈云不昧因果老

人於言下大悟便脫野狐身妙喜云不落與不昧半明兼半晦不昧與不落兩頭空索索五百生前箇野狐而今冷地謾追呼喝一喝云座中既有江南客休向樽前唱鷓鴣師云這箇公案批判者多盡向不落不昧上妄生卜度未有一箇格外提持帶累百丈老人也在野狐隊裏天寧不是釘樁搖櫓膠柱調絃海枯終見底人歎脚皮穿

舉道吾與漸源至一家吊慰源拊棺云生耶歎耶吾云生也不道歎也不道源云爲什麼不道吾云不道不道回至中路源云和尚快與某甲道若不道打和

尚去吾云打卽任打道卽不道妙喜云生也不道成
 也不道公案兩重一狀領到露刀吹毛截斷縑要脫
 却鶻臭衫拈却炙脂帽大坐當軒氣皓皓喝一喝師
 云生耶成耶動念卽乖不道不道何處尋討拽脫鼻
 孔打破髑髏腰纏十萬貫騎鶴上揚州有意氣時添
 意氣不風流處也風流

舉僧問睦州一言道盡時如何州云老僧在你鉢裏
 裏又問雲門一言道盡時如何門云裂破妙喜云或
 有人問山僧一言道盡時如何這漆桶師云有人來
 問天寧一言道盡時如何隔

舉僧問雲門達磨九年面壁意旨如何門云念七妙
 喜云念七念七全無消息背看分明正觀難識既是
 正觀爲什麼難識可知禮也師云達磨面壁雲門念
 七更問如何佛喏啞喏

舉龐居士問馬大師不昧本來身請師高着眼大師
 直下覷士云一種沒弦琴惟師彈得妙大師直下覷
 居士禮拜大師歸方丈居士隨後至方丈云適來弄
 巧成拙妙喜云且道是馬大師弄巧成拙龐居士弄
 巧成拙還有縑素得出者麼若縑素不出癩馬繫枯
 椿直饒縑素得出也是蝦蟇口裏一粒椒師云馬大

師彈得沒弦琴調高千古龐居士和得無譜曲響徹
九霄溪邊石女暗嗟吁海底泥牛亂奔走雖然如是
也未契本來身在不見道蝦蟇口裡一粒椒

舉龐居士云心如境亦如無實亦無虛有亦不嘗無
亦不拘不是聖賢了事凡夫妙喜云白的的清潔察
水不能濡火不能燒是箇什麼切不得問着問着則
瞎却你眼以拄杖擊香臺一下師云要作了事凡夫
更須進前三步

舉古德云佛灑也大有只是舌頭短妙喜云向道莫
行山下路果聞猿叫斷腸聲師云古德元不知有佛
灑一箇箇舌頭徧覆十方世界特地說無說有說短
說長好劈口便掌且道天寧意在什麼處河裏失錢
河裏掩

舉洛浦示衆云孫贖收鋪去也有卜者出來時有僧
出曰請和尚一卜浦云汝家爺歿僧無語灑眼代拊
掌三下妙喜云這僧沒興歿却爺又被他人拊掌信
知禍不單行福無雙至然洛浦善卜灑眼善斷若子
細思量爻象吉凶二老一時漏逗既占得火風鼎卦
何故斷作地火明夷雲門卽不然鶩拈拄杖云孫贖
門下歿却卽罷連卓三下云會麼內屬良宮再求外

撰述
卷之四
象又卓三下云千靈萬聖萬聖千靈莫順人情復卓
一下云吉凶上卦師云洛浦道汝家命歿挂却舌頭
妙喜牙上生牙角上生角妄談休咎強說是非一時
抖亂六十四卦了也

舉巖頭叅德山纔跨門便問是凡是聖山便喝頭便
禮拜後有僧舉似洞山山云若不是叢公也大難承
當巖頭聞云洞山老漢不識好惡錯下名言我當時
一手擡一手搦妙喜云猛虎不識窞窞中身歿蛟龍
不怖劍劍下身凶巖頭雖於虎窞中有透脫一路向
劍刃上有出身之機若子細檢點將來猶欠悟在只

今還有爲巖頭作主底麼出來與杲上座相見良久
喝一喝拍一拍云泊合停囚長智師云德山咬猪狗
手脚巖頭鍛了底精金驀劄相逢更無回互將他八
兩換得半斤洞山雖是作家也只傍觀有分妙喜費
許多氣力作什麼拈拄杖畫一畫云一

舉本仁示衆云尋常不欲向聲前句後鼓弄人家男
女何故且聲不是聲色不是色時有僧問如何是聲
不是聲仁云喚作色得麼僧云如何是色不是色仁
云喚作聲得麼僧禮拜仁云且道爲你說答你話若
人辨得許你有箇入處妙喜云本仁將一穿雲居子

換却天下人眼睛却被這僧將一條斷貫索不動干
 戈穿却鼻孔後來舜老夫拈云本仁既已入草這僧
 又落深村然則陽春雪曲時人難和邨歌社舞到處
 與人合得着妙喜云舜老夫是則也是未免隨樓搜
 屎上座不惜眉毛為諸人說破聲不是聲色不是色
 馬後驢前神出鬼沒雪曲陽春和不齊邨歌社舞且
 澗澹以拂子擊禪牀云這箇決定不是聲復舉起云
 這箇決定不是色且畢竟是箇甚麼喝一喝云此時
 若不究根源直待當來問彌勒師云本仁也只道得
 箇聲不是聲色不是色別有甚麼奇特白雪陽春雖

唱得爭奈時人和不得請訛在甚麼處聲不是聲色
 不是色

舉雪峯問僧近離甚處僧云覆船峯云生歿海未渡
 為什麼覆却船僧無語歸舉似覆船船云何不道渠
 無生歿僧再至雪峯峯再舉前話問僧僧云渠無生
 歿峯云此不是汝語僧云是覆船恁麼道峯云我有
 二十棒寄與覆船二十棒老僧自喫要且不干闍梨
 事妙喜云作家宗師天然猶在雖然如是也是作賊
 人心處是則不干這僧事二十棒何須自喫但更添
 二十棒只打覆船便了且道渠過在甚麼處老老大

大不合與人代語師云覆船道渠無生歿還契得雪
峯意麼若契得雪峯意爲什麼道我有二十棒寄打
覆船二十棒老僧自喫會麼這裏若會便見妙喜道
作賊人心虛勘破雪峯了也是則不干這僧事二十
棒何須自喫但更添二十棒只打覆船便了你道妙
喜還有過也無頭上着枷脚下着杻

舉僧問鏡清新年頭還有佛灑也無清云有僧云如
何是新年頭佛灑清云元正啓祚萬物咸新僧云謝
師答話清云山僧今日失利又僧問明教新年頭還
有佛灑也無教云無僧云年年是好年日日是好日

爲什麼却無教云張公弊酒李公醉僧云老老大大
龍頭虵尾教云山僧今日失利妙喜云二尊宿一人
向高高峯頂立不露頂一人向深深海底行不濕脚
是則也是未免有些諍訛今夜或有人問果上座新
年頭還有佛灑也無只向他道今日一隊奴僕在茶
堂裏邨歌社舞弄些神鬼直得點胃尊者惡發把鉢
盂峯一擲擲過恒河沙世界之外驚得僑陳如怕怖
幢惶倒騎露柱跳入擔板禪和鼻孔裏撞倒舒州天
柱峯安樂山神忍俊不禁出來攔胃搗住云尊者你
既稱阿羅漢出三界二十五有塵勞超分段生歿因

甚麼有許多無明被這一問不勝懣懣却回佛殿裏
第三位打坐依舊點芻點肋道天上天下惟我獨尊
自云住住杲上座他問新年頭佛汰爲什麼一向虛
空裏打筋斗說脫空謾人良久云杲上座今日失利
師云有佛灑無佛灑盡被鏡清明教二大老當頭坐
斷不許後人搏量妙喜以虛空口掉廣長舌將三千
大千世界過現未來佛及衆生真如凡聖陰陽寒暑
乘除加減束作一句卷舒無礙收放自由管什麼新
年頭舊年尾佛灑道有也得道無也得誰敢正眼覷
着若到天寧門下更須勘過少年曾決龍蛇陣潦倒

還聽稚子歌

舉僧問睦州經頭以字不成八不是未審是什麼字
州彈指一下云會麼僧云不會州云上來講讚無限
勝因蝦蟇蟀跳上天蚯蚓蒼過東海妙喜云這僧只
問經頭一字睦州盡將善知衆藝差別字輪以龍龕
手鑑唐韻玉篇從頭注解撒在這僧懷裏這僧也不
妨奇特直下便肯承當且道什麼處是他承當處聽
取箇註脚以字不成八字不是彈指未終普天匝地
擊開四十二般若波羅蜜門叅透華嚴會中善知衆
藝教內教外一時收世出世間皆周備無邊罪咎如

撰述
火消冰無量勝義如恒沙聚更有箇末後句堅牢庫
藏永收藏總屬山前熊伯莊師云經頭一字是什麼
字睦州彈指一下將黃面老人四十九年說不盡底
一時吐露了也妙喜矢上加尖道更有末後一句諸
人還委悉麼良久山斷疑休去峯高又起來
舉龍牙頌云一切名山到因脚辛苦年深與襪着而
今年老不能行手裏把箇破木杓白雲端和尚云龍
牙老人可謂契處難忘妙喜云端和尚恁麼道大似
以已方人杲上座卽不然家貧難辦素食事忙不及
草書師云這一箇那一箇和本三人一時放過是非

終日有不聽自然無

舉三聖道我逢人卽出出則不爲人興化道我逢人
卽不出出則便爲人真淨和尚云這兩箇老古錘竊
得臨濟些子活計各自分疆列界氣衝宇宙使明眼
人只得好咲妙喜云真淨老人大似欺誣亾沒杲上
座卽不然豁開三要三玄路坐斷須彌第一峯且道
在三聖分上耶在興化分上耶具眼者辨取師云三
聖興化明眼宗師因什麼活計本同生涯迥異但有
路可上更高人也行

佛日普獎慧辯楚石禪師語錄卷第十



9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述 卷之五

音切

剗於九切

窟寵

下口骨切

撓女交切

饋丘畏切

髭子穆切

葦

屬鬼切

屎丁木切

攙仕衛切

蒂都計切

蝕林直切

餽色求切

貶若舍切

餽若舍切

切佛音

啞呼垢切

啞古兀切

啞力迷切

叢許活切

龕若舍切

龕若舍切

龕若舍切

岳善項承勛

蘇州沈南共施贊刻此

楚石禪師語錄第十卷 昆明沙彌真玄對

州王國英書

廬陵鍾惠刻

萬曆庚寅秋五臺山妙德菴識

